



**SIKHIZM**  
.COM

# सुखमनी साहिब (शुद्ध हिन्दी उच्चारण)

[WWW.SIKHIZM.COM](http://WWW.SIKHIZM.COM)

# गौड़ी सुखमनी मः ५ ॥

सलोक ॥

ॐ सतगुर प्रसाद ॥ आद गुरए नमह ॥ जुगाद गुरए नमह ॥  
सतगुरए नमह ॥ श्री गुरदेवए नमह ॥१॥

अष्टपदी ॥ सिमरौ सिमर सिमर सुख पावौ ॥ कल कलेस तन माहि  
मिटावौ ॥ सिमरौ जास बिसुंभर एकै ॥ नाम जपत अगनत अनेकै ॥  
बेद पुरान सिमृत सुधाख्यर ॥ कीने राम नाम इक आख्यर ॥ किनका  
एक जिस जीअ बसावै ॥ ता की महिमा गनी न आवै ॥ कांखी एकै  
दरस तुहारो ॥ नानक उन संग मोहि उधारो ॥१॥ सुखमनी सुख  
अमृत प्रभ नाम ॥ भगत जना कै मन बिस्राम ॥ रहाओ ॥ प्रभ कै  
सिमरन गर्भ न बसै ॥ प्रभ कै सिमरन दूख जम नसै ॥ प्रभ कै सिमरन  
काल परहरै ॥ प्रभ कै सिमरन दुसमन टरै ॥ प्रभ सिमरत कछु बिघन  
न लागै ॥ प्रभ कै सिमरन अनदिन जागै ॥ प्रभ कै सिमरन भौ न

ब्यापै ॥ प्रभ कै सिमरन दुख न संतापै ॥ प्रभ का सिमरन साध कै  
संग ॥ सरब निधान नानक हर रंग ॥२॥ प्रभ कै सिमरन रिध सिध  
नौ निध ॥ प्रभ कै सिमरन ज्ञान ध्यान तत बुध ॥ प्रभ कै सिमरन जप  
तप पूजा ॥ प्रभ कै सिमरन बिनसै दूजा ॥ प्रभ कै सिमरन तीरथ  
इसनानी ॥ प्रभ कै सिमरन दरगह मानी ॥ प्रभ कै सिमरन होए सु  
भला ॥ प्रभ कै सिमरन सुफल फला ॥ से सिमरहि जिन आप  
सिमराए ॥ नानक ता कै लागउ पाए ॥३॥ प्रभ का सिमरन सभ ते  
ऊचा ॥ प्रभ कै सिमरन उधरे मूचा ॥ प्रभ कै सिमरन त्रिसना बुझै ॥  
प्रभ कै सिमरन सभ किछ सुझै ॥ प्रभ कै सिमरन नाही जम त्रासा ॥  
प्रभ कै सिमरन पूरन आसा ॥ प्रभ कै सिमरन मन की मल जाए ॥  
अमृत नाम रिद माहि समाए ॥ प्रभ जी बसहि साध की रसना ॥  
नानक जन का दासन दसना ॥४॥ प्रभ कौ सिमरहि से धनवंते ॥  
प्रभ कौ सिमरहि से पतिवंते ॥ प्रभ कौ सिमरहि से जन परवान ॥  
प्रभ कौ सिमरहि से पुरख प्रधान ॥ प्रभ कौ सिमरहि सु बेमुहताजे ॥  
प्रभ कौ सिमरहि सु सरब के राजे ॥ प्रभ कौ सिमरहि से सुखवासी  
॥ प्रभ कौ सिमरहि सदा अबिनासी ॥ सिमरन ते लागे जिन आप  
दयाला ॥ नानक जन की मंगै रवाला ॥५॥ प्रभ कौ सिमरहि से  
परौपकारी ॥ प्रभ कौ सिमरहि तिन सद बलिहारी ॥ प्रभ कौ सिमरहि  
से मुख सुहावे ॥ प्रभ कौ सिमरहि तिन सूख बिहावै ॥ प्रभ कौ  
सिमरहि तिन आतम जीता ॥ प्रभ कौ सिमरहि तिन निरमल रीता ॥

प्रभ कौ सिमरहि तिन अनद घनेरे ॥ प्रभ कौ सिमरहि बसहि हर नेरे  
॥ संत कृपा ते अनदिन जाग ॥ नानक सिमरन पूरे भाग ॥६॥ प्रभ कै  
सिमरन कारज पूरे ॥ प्रभ कै सिमरन कबहु न झूरे ॥ प्रभ कै सिमरन  
हर गुन बानी ॥ प्रभ कै सिमरन सहज समानी ॥ प्रभ कै सिमरन  
निहचल आसन ॥ प्रभ कै सिमरन कमल बिगासन ॥ प्रभ कै सिमरन  
अनहद झुनकार ॥ सुख प्रभ सिमरन का अंत न पार ॥ सिमरहि से  
जन जिन कौ प्रभ मया ॥ नानक तिन जन सरनी पया ॥७॥ हर  
सिमरन कर भगत प्रगटाए ॥ हर सिमरन लग बेद उपाए ॥ हर सिमरन  
भए सिध जती दाते ॥ हर सिमरन नीच चहु कुंट जाते ॥ हर सिमरन  
धारी सभ धरना ॥ सिमर सिमर हर कारन करना ॥ हर सिमरन कीओ  
सगल अकारा ॥ हर सिमरन महि आप निरंकारा ॥ कर किरपा जिस  
आप बुझाया ॥ नानक गुरमुख हर सिमरन तिन पाया ॥८॥१॥

**सलोक ॥ दीन दरद दुख भंजना घट घट नाथ अनाथ ॥ सरणि  
तुम्हारी आइओ नानक के प्रभ साथ ॥१॥**

अष्टपदी ॥ जह मात पिता सुत मीत न भाई ॥ मन ऊहा नाम तैरे संग  
सहाई ॥ जह महा भयान दूत जम दलै ॥ तह केवल नाम संग तैरे  
चलै ॥ जह मुसकल होवै अत भारी ॥ हर को नाम खिन माहि उधारी  
॥ अनिक पुनहचरन करत नही तैरे ॥ हर को नाम कोट पाप परहरै

॥ गुरमुख नाम जपहु मन मेरे ॥ नानक पावहु सूख घनेरे ॥१॥ सगल  
सृष्ट को राजा दुखीआ ॥ हर का नाम जपत होए सुखीआ ॥ लाख  
करोरी बंध न परै ॥ हर का नाम जपत निसतरै ॥ अनिक माया रंग  
तिख न बुझावै ॥ हर का नाम जपत आघावै ॥ जिह मारग एहो जात  
इकेला ॥ तह हर नाम संग होत सुहेला ॥ ऐसा नाम मन सदा ध्यायिए  
॥ नानक गुरमुख परम गत पाइए ॥२॥ छूटत नही कोट लख बाही  
॥ नाम जपत तह पार पराही ॥ अनिक बिघन जह आए संघारै ॥ हर  
का नाम तत्काल उधारै ॥ अनिक जोन जनमै मर जाम ॥ नाम जपत  
पावै बिस्राम ॥ हौं मैला मल कबहु न धोवै ॥ हर का नाम कोट पाप  
खोवै ॥ ऐसा नाम जपहु मन रंग ॥ नानक पाइए साध कै संग ॥३॥  
जिह मारग के गने जाहि न कोसा ॥ हर का नाम ऊहा संग तोसा ॥  
जिह पैडै महा अंध गुबारा ॥ हर का नाम संग उजियारा ॥ जहा पंथ  
तेरा को न सिजानू ॥ हर का नाम तह नाल पछानू ॥ जह महा भयान  
तपत बहु घाम ॥ तह हर के नाम की तुम ऊपर छाम ॥ जहा त्रिखा  
मन तुझ आकरखै ॥ तह नानक हर हर अमृत बरखै ॥४॥ भगत जना  
की बरतन नाम ॥ संत जना कै मन बिस्राम ॥ हर का नाम दास की  
ओट ॥ हर कै नाम उधरे जन कोट ॥ हर जस करत संत दिन रात ॥  
हर हर अउखध साध कमात ॥ हर जन कै हर नाम निधान ॥ पारब्रह्म  
जन कीनो दान ॥ मन तन रंग रते रंग एकै ॥ नानक जन कै बिरत  
बिबेकै ॥५॥ हर का नाम जन कौ मुक्त जुगत ॥ हर कै नाम जन

कौ त्रिपत भुगत ॥ हर का नाम जन का रूप रंग ॥ हर नाम जपत  
कब परै न भंग ॥ हर का नाम जन की वडिआई ॥ हर कै नाम जन  
सोभा पाए ॥ हर का नाम जन कौ भोग जोग ॥ हर नाम जपत कछु  
नाहि बियोग ॥ जन राता हर नाम की सेवा ॥ नानक पूजै हर हर देवा  
॥६॥ हर हर जन कै माल खजीना ॥ हर धन जन कौ आप प्रभ दीना  
॥ हर हर जन कै ओट सताणी ॥ हर प्रताप जन अवर न जाणी ॥  
ओत पोत जन हर रस राते ॥ सुन्न समाध नाम रस माते ॥ आठ पहर  
जन हर हर जपै ॥ हर का भगत प्रगट नही छपै ॥ हर की भगत मुकत  
बहु करे ॥ नानक जन संग केते तरे ॥७॥ पारजात एहो हर को नाम  
॥ कामधेन हर हर गुण गाम ॥ सभ ते ऊतम हर की कथा ॥ नाम  
सुनत दरद दुख लथा ॥ नाम की महिमा संत रिद वसै ॥ संत प्रताप  
दुरत सभ नसै ॥ संत का संग वडभागी पाइए ॥ संत की सेवा नाम  
ध्यायिए ॥ नाम तुल कछु अवर न होए ॥ नानक गुरुमुख नाम पावै  
जन कोए ॥८॥२॥

**सलोक ॥ बहु सासत्र बहु सिमृती पेखे सरब ढढोल ॥ पूजस  
नाही हर हरे नानक नाम अमोल ॥१॥**

अष्टपदी ॥ जाप ताप ज्ञान सभ ध्यान ॥ खट सासत्र सिमृत वखयान  
॥ जोग अभ्यास करम धर्म किरिया ॥ सगल त्याग बन मधे फिरया

॥ अनिक प्रकार कीए बहु जतना ॥ पुन्न दान होमे बहु रतना ॥ सरीर कटाए होमै कर राती ॥ वरत नेम करै बहु भाती ॥ नही तुल राम नाम बीचार ॥ नानक गुरमुख नाम जपीऐ इक बार ॥१॥ नौ खंड प्रिथमी फिरै चिर जीवै ॥ महा उदास तपीसर थीवै ॥ अगन माहि होमत परान ॥ कनिक अस्व हैवर भूम दान ॥ निऑली करम करै बहु आसन ॥ जैन मारग संजम अत साधन ॥ निमख निमख कर सरीर कटावै ॥ तौ भी होमै मैल न जावै ॥ हर के नाम समसर कछु नाहि ॥ नानक गुरमुख नाम जपत गत पाहि ॥२॥ मन कामना तीरथ देह छुटै ॥ गरबु गुमान न मन ते हुटै ॥ सोच करै दिनस अर रात ॥ मन की मैल न तन ते जात ॥ इस देही कौ बहु साधना करै ॥ मन ते कबहू न बिख्या टरै ॥ जल धोवै बहु देह अनीत ॥ सुध कहा होए काची भीत ॥ मन हर के नाम की महिमा ऊच ॥ नानक नाम उधरे पतित बहु मूच ॥३॥ बहुत स्याणप जम का भौ ब्यापै ॥ अनिक जतन कर त्रिसन ना ध्रापै ॥ भेख अनेक अगन नही बुझै ॥ कोट उपाव दरगह नही सिझै ॥ छूटस नाही ऊभ पयाल ॥ मोहि ब्यापहि माया जाल ॥ अवर करतूत सगली जम डानै ॥ गोविंद भजन बिन तिल नही मानै ॥ हर का नाम जपत दुख जाए ॥ नानक बोलै सहज सुभाइ ॥४॥ चार पदारथ जे को मागै ॥ साध जना की सेवा लागै ॥ जे को आपुना दूख मिटावै ॥ हर हर नाम रिदै सद गावै ॥ जे को अपुनी सोभा लोरै ॥ साधसंग इह होमै छोरै ॥ जे को जनम मरण ते

डरै ॥ साध जना की सरनी परै ॥ जिस जन कौ प्रभ दरस प्यासा ॥  
नानक ता कै बल बल जासा ॥५॥ सगल पुरख महि पुरख प्रधान ॥  
साधसंग जा का मिटै अभिमान ॥ आपस कौ जो जाणै नीचा ॥  
सोऊ गनीऐ सभ ते ऊचा ॥ जा का मन होए सगल की रीना ॥ हर  
हर नाम तिन घट घट चीना ॥ मन अपुने ते बुरा मिटाना ॥ पेखै  
सगल सृष्ट साजना ॥ सूख दूख जन सम द्रिसटेता ॥ नानक पाप पुन्न  
नही लेपा ॥६॥ निरधन कौ धन तेरो नांओ ॥ निथावे कौ नांओ तेरा  
थाओ ॥ निमाने कौ प्रभ तेरो मान ॥ सगल घटा कौ देवहु दान ॥  
करन करावनहार सुआमी ॥ सगल घटा के अंतरजामी ॥ अपनी गत  
मित जानहु आपे ॥ आपन संग आप प्रभ राते ॥ तुम्हरी उसतत तुम  
ते होए ॥ नानक अवर न जानस कोए ॥७॥ सरब धरम महि सरेस्ट  
(श्रेष्ठ) धरम ॥ हर को नाम जप निरमल करम ॥ सगल किरया महि  
ऊतम किरया ॥ साधसंग दुरमत मल हिरया ॥ सगल उदम महि  
उदम भला ॥ हर का नाम जपहु जीअ सदा ॥ सगल बानी महि  
अमृत बानी ॥ हर को जस सुन रसन बखानी ॥ सगल थान ते ओहो  
ऊतम थान ॥ नानक जिह घट वसै हर नाम ॥८॥३॥

**सलोक ॥ निरगुनीआर एयानया सो प्रभ सदा समाल ॥ जिन  
कीआ तिस चीत रख नानक निबही नाल ॥१॥**

अष्टपदी ॥ रमईआ के गुन चेत परानी ॥ कवन मूल ते कवन  
द्रिसटानी ॥ जिन तूं साज सवार सीगारया ॥ गर्भ अगन महि जिनहि  
उबारया ॥ बार बिबसथा तुझहि प्यारै दूध ॥ भर जोबन भोजन सुख  
सूध ॥ बिरध भया ऊपर साक सैन ॥ मुख अपयाओ बैठ कौ दैन ॥  
एहो निरगुन गुन कछु ू न बूझै ॥ बखस लेहु तौ नानक सीझै ॥१॥  
जिह प्रसाद धर ऊपर सुख बसहि ॥ सुत भ्रात मीत बनिता संग  
हसहि ॥ जिह प्रसाद पीवहि सीतल जला ॥ सुखदाई पवन पावक  
अमुला ॥ जिह प्रसाद भोगहि सभ रसा ॥ सगल समग्री संग साथ  
बसा ॥ दीने हस्त पाव करन नेत्र रसना ॥ तिसहि त्याग अवर संग  
रचना ॥ ऐसे दोख मूड़ अंध ब्यापे ॥ नानक काठ लेहु प्रभ आपे  
॥२॥ आद अंत जो राखनहार ॥ तिस स्यो प्रीत न करै गवार ॥ जा  
की सेवा नव निध पावै ॥ ता स्यो मूड़ा मन नही लावै ॥ जो ठाकुर  
सद सदा हजूरे ॥ ता कौ अंधा जानत दूरे ॥ जा की टहल पावै दरगह  
मान ॥ तिसहि बिसारै मुगध अजान ॥ सदा सदा एहो भूलनहार ॥  
नानक राखनहार अपार ॥३॥ रतन त्याग कौडी संग रचै ॥ साच  
छोड झूठ संग मचै ॥ जो छडना सु असथिर कर मानै ॥ जो होवन  
सो दूर परानै ॥ छोड जाए तिस का स्रम करै ॥ संग सहाई तिस परहरै  
॥ चंदन लेप उतारै धोए ॥ गरधब प्रीत भसम संग होए ॥ अंध कूप  
महि पतित बिकराल ॥ नानक काठ लेहु प्रभ दयाल ॥४॥ करतूत  
पसू की मानस जात ॥ लोक पचारा करै दिन रात ॥ बाहर भेख अंतर

मल माया ॥ छपस नाहि कछु करै छपाया ॥ बाहर ज्ञान ध्यान  
इसनान ॥ अंतर ब्यापै लोभ सुआन ॥ अंतर अगन बाहर तन सुआह  
॥ गल पाथर कैसे तै अथाह ॥ जा कै अंतर बसै प्रभ आप ॥ नानक  
ते जन सहज समात ॥५॥ सुन अंधा कैसे मारग पावै ॥ कर गहि लेहु  
ओड़ निबहावै ॥ कहा बुझारत बूझै डोरा ॥ निस कहीऐ तौ समझै  
भोरा ॥ कहा बिसनपद गावै गुंग ॥ जतन करै तौ भी सुर भंग ॥ कह  
पिंगुल परबत पर भवन ॥ नही होत ऊहा उस गवन ॥ करतार करुणा  
मै दीन बेनती करै ॥ नानक तुमरी किरपा तै ॥६॥ संग सहाई सु  
आवै न चीत ॥ जो बैराई ता स्यो प्रीत ॥ बलूआ के गृह भीतर बसै  
॥ अनद केल माया रंग रसै ॥ द्रिड़ कर मानै मनहि प्रतीत ॥ काल न  
आवै मूड़े चीत ॥ बैर बिरोध काम क्रोध मोह ॥ झूठ बिकार महा  
लोभ धोह ॥ याहू जुगत बिहाने कई जनम ॥ नानक राख लेहु आपन  
कर करम ॥७॥ तू ठाकुर तुम पहि अरदास ॥ जीओ पिण्ड सभ तेरी  
रास ॥ तुम मात पिता हम बारिक तेरे ॥ तुमरी कृपा महि सूख घनेरे  
॥ कोए न जानै तुमरा अंत ॥ ऊचे ते ऊचा भगवंत ॥ सगल समग्री  
तुमरै सूत्र धारी ॥ तुम ते होए सु आज्ञाकारी ॥ तुमरी गत मित तुम  
ही जानी ॥ नानक दास सदा कुरबानी ॥८॥४॥

**सलोक ॥ देनहार प्रभ छोड कै लागहि आन सुआए ॥ नानक  
कहू न सीझई बिन नावै पत जाए ॥१॥**

अष्टपदी ॥ दस बसतू ले पाछै पावै ॥ एक बसत कारन बिखोट  
गवावै ॥ एक भी न देए दस भी हिर लेए ॥ तौ मूड़ा कहु कहा करेए  
॥ जिस ठाकुर स्यो नाही चारा ॥ ता कौ कीजै सद नमसकारा ॥ जा  
कै मन लागा प्रभ मीठा ॥ सरब सूख ताहू मन वूठा ॥ जिस जन  
अपना हुकम मनाया ॥ सरब थोक नानक तिन पाया ॥१॥ अगनत  
साहु अपनी दे रास ॥ खात पीत बरतै अनद उलास ॥ अपुनी अमान  
कछु बहुर साहु लेए ॥ अज्ञानी मन रोस करेए ॥ अपनी परतीत आप  
ही खोवै ॥ बहुर उस का बिस्वास न होवै ॥ जिस की बसत तिस  
आगै राखै ॥ प्रभ की आज्ञा मानै माथै ॥ उस ते चौगुन करै निहाल  
॥ नानक साहिब सदा दयाल ॥२॥ अनिक भात माया के हेत ॥  
सरपर होवत जान अनेत ॥ बिरख की छाया स्यो रंग लावै ॥ ओह  
बिनसै ओहो मन पछुतावै ॥ जो दीसै सो चालनहार ॥ लपट रहयो  
तह अंध अंधार ॥ बटाऊ स्यो जो लावै नेह ॥ ता कौ हाथ न आवै  
केह ॥ मन हर के नाम की प्रीत सुखदाई ॥ कर किरपा नानक आप  
लए लाई ॥३॥ मिथ्या तन धन कुटंब सबाया ॥ मिथ्या हौमै ममता  
माया ॥ मिथ्या राज जोबन धन माल ॥ मिथ्या काम क्रोध बिकराल  
॥ मिथ्या रथ हस्ती अस्व बस्त्रा ॥ मिथ्या रंग संग माया पेख हसता  
॥ मिथ्या ध्रोह मोह अभिमान ॥ मिथ्या आपस ऊपर करत गुमान ॥  
असथिर भगत साध की सरन ॥ नानक जप जप जीवै हर के चरन

॥४॥ मिथ्या स्रवन पर निंदा सुनहि ॥ मिथ्या हस्त पर दरब कौ हिरहि  
॥ मिथ्या नेत्र पेखत पर त्रिअ रूपाद ॥ मिथ्या रसना भोजन अन  
स्वाद ॥ मिथ्या चरन पर बिकार कौ धावहि ॥ मिथ्या मन पर लोभ  
लुभावहि ॥ मिथ्या तन नही परौपकारा ॥ मिथ्या बास लेत बिकारा  
॥ बिन बूझे मिथ्या सभ भए ॥ सफल देह नानक हर हर नाम लए  
॥५॥ बिरथी साकत की आरजा ॥ साच बिना कह होवत सूचा ॥  
बिरथा नाम बिना तन अंध ॥ मुख आवत ता कै दुरगंध ॥ बिन  
सिमरन दिनरैन ब्रिथा बिहाए ॥ मेघ बिना ज्यों खेती जाए ॥ गोबिद  
भजन बिन ब्रिथे सभ काम ॥ ज्यों किरपन के निरारथ दाम ॥ धंन  
धंन ते जन जिह घट बसिओ हर नांओ ॥ नानक ता कै बल बल  
जाउ ॥६॥ रहत अवर कछु अवर कमावत ॥ मन नही प्रीत मुखहु  
गंढ लावत ॥ जाननहार प्रभू परबीन ॥ बाहर भेख न काहू भीन ॥  
अवर उपदेसै आप न करै ॥ आवत जावत जनमै मरै ॥ जिस कै  
अंतर बसै निरंकार ॥ तिस की सीख तरै संसार ॥ जो तुम भाने तिन  
प्रभ जाता ॥ नानक उन जन चरन पराता ॥७॥ करौ बेनती पारब्रह्म  
सभ जानै ॥ अपना कीआ आपहि मानै ॥ आपहि आप आप करत  
निबेरा ॥ किसै दूर जनावत किसै बुझावत नेरा ॥ उपाव सयानप  
सगल ते रहत ॥ सभ कछु जानै आतम की रहत ॥ जिस भावै तिस  
लए लड़ लाए ॥ थान थनंतर रहया समाए ॥ सो सेवक जिस किरपा  
करी ॥ निमख निमख जप नानक हरी ॥८॥५॥

**सलोक ॥ काम क्रोध अर लोभ मोह बिनस जाए अहमेव ॥  
नानक प्रभ सरणागती कर प्रसाद गुरदेव ॥१॥**

अष्टपदी ॥ जिह प्रसाद छतीह अमृत खाहि ॥ तिस ठाकुर कौ रख  
मन माहि ॥ जिह प्रसाद सुगंधत तन लावहि ॥ तिस कौ सिमरत  
परम गत पावहि ॥ जिह प्रसाद बसहि सुख मंदर ॥ तिसहि ध्याए  
सदा मन अंदर ॥ जिह प्रसाद गृह संग सुख बसना ॥ आठ पहर  
सिमरहु तिस रसना ॥ जिह प्रसाद रंग रस भोग ॥ नानक सदा  
ध्यायिए ध्यावन जोग ॥१॥ जिह प्रसाद पाट पटंबर हंढावहि ॥  
तिसहि त्याग कत अवर लुभावहि ॥ जिह प्रसाद सुख सेज सोईजै  
॥ मन आठ पहर ता का जस गावीजै ॥ जिह प्रसाद तुझ सभ कोऊ  
मानै ॥ मुख ता को जस रसन बखानै ॥ जिह प्रसाद तेरो रहता धरम  
॥ मन सदा ध्याए केवल पारब्रह्म ॥ प्रभ जी जपत दरगह मान पावहि  
॥ नानक पत सेती घर जावहि ॥२॥ जिह प्रसाद आरोग कंचन देही  
॥ लिव लावहु तिस राम सनेही ॥ जिह प्रसाद तेरा ओला रहत ॥  
मन सुख पावहि हर हर जस कहत ॥ जिह प्रसाद तेरे सगल छिद्र  
ढाके ॥ मन सरनी पर ठाकुर प्रभ ता कै ॥ जिह प्रसाद तुझ को न  
पहूचै ॥ मन सास सास सिमरहु प्रभ ऊचे ॥ जिह प्रसाद पाए दुर्लभ  
देह ॥ नानक ता की भगत करेह ॥३॥ जिह प्रसाद आभूखन पहिरीजै

॥ मन तिस सिमरत क्यों आलस कीजै ॥ जिह प्रसाद अस्व हस्त  
असवारी ॥ मन तिस प्रभ कौ कबहू न बिसारी ॥ जिह प्रसाद बाग  
मिलख धना ॥ राख परोए प्रभ अपुने मना ॥ जिन तेरी मन बनत  
बनाई ॥ ऊठत बैठत सद तिसहि ध्याई ॥ तिसहि ध्याए जो एक  
अलखै ॥ ईहा ऊहा नानक तेरी रखै ॥४॥ जिह प्रसाद करहि पुन  
बहु दान ॥ मन आठ पहर कर तिस का ध्यान ॥ जिह प्रसाद तू  
आचार ब्योहारी ॥ तिस प्रभ कौ सास सास चितारी ॥ जिह प्रसाद  
तेरा सुंदर रूप ॥ सो प्रभ सिमरहु सदा अनूप ॥ जिह प्रसाद तेरी नीकी  
जात ॥ सो प्रभ सिमर सदा दिन रात ॥ जिह प्रसाद तेरी पत रहै ॥  
गुर प्रसाद नानक जस कहै ॥५॥ जिह प्रसाद सुनहि करन नाद ॥  
जिह प्रसाद पेखहि बिसमाद ॥ जिह प्रसाद बोलहि अमृत रसना ॥  
जिह प्रसाद सुख सहजे बसना ॥ जिह प्रसाद हस्त कर चलहि ॥  
जिह प्रसाद सम्पूरन फलहि ॥ जिह प्रसाद परम गत पावहि ॥ जिह  
प्रसाद सुख सहज समावहि ॥ ऐसा प्रभ त्याग अवर कत लागहु ॥  
गुर प्रसाद नानक मन जागहु ॥६॥ जिह प्रसाद तूं प्रगट संसार ॥ तिस  
प्रभ कौ मूल न मनहु बिसार ॥ जिह प्रसाद तेरा परताप ॥ रे मन मूढ़  
तू ता कौ जाप ॥ जिह प्रसाद तेरे कारज पूरे ॥ तिसहि जान मन सदा  
हजूरे ॥ जिह प्रसाद तूं पावहि साच ॥ रे मन मेरे तूं ता स्यो राच ॥  
जिह प्रसाद सभ की गत होए ॥ नानक जाप जपै जप सोए ॥७॥  
आप जपाए जपै सो नांओ ॥ आप गावाए सु हर गुन गाओ ॥ प्रभ

किरपा ते होए प्रगास ॥ प्रभू दया ते कमल बिगास ॥ प्रभ सुप्रसन्न  
बसै मन सोए ॥ प्रभ दया ते मत ऊतम होए ॥ सरब निधान प्रभ तेरी  
मया ॥ आपहु कछु न किनहू लया ॥ जित जित लावहु तित लगहि  
हर नाथ ॥ नानक इन कै कछु न हाथ ॥८॥६॥

**सलोक ॥ अगम अगाध पारब्रह्म सोए ॥ जो जो कहै सु मुकता  
होए ॥ सुन मीता नानक बिनवंता ॥ साध जना की अचरज  
कथा ॥१॥**

अष्टपदी ॥ साध कै संग मुख ऊजल होत ॥ साधसंग मल सगली  
खोत ॥ साध कै संग मिटै अभिमान ॥ साध कै संग प्रगटै सुज्ञान ॥  
साध कै संग बुझै प्रभ नेरा ॥ साधसंग सभ होत निबेरा ॥ साध कै  
संग पाए नाम रतन ॥ साध कै संग एक ऊपर जतन ॥ साध की  
महिमा बरनै कौन प्रानी ॥ नानक साध की सोभा प्रभ माहि समानी  
॥१॥ साध कै संग अगोचर मिलै ॥ साध कै संग सदा परफुलै ॥  
साध कै संग आवहि बस पंचा ॥ साधसंग अमृत रस भुंचा ॥  
साधसंग होए सभ की रेन ॥ साध कै संग मनोहर बैन ॥ साध कै संग  
न कतहूँ धावै ॥ साधसंग असथित मन पावै ॥ साध कै संग माया  
ते भिन्न ॥ साधसंग नानक प्रभ सुप्रसन्न ॥२॥ साधसंग दुसमन सभ  
मीत ॥ साधू कै संग महा पुनीत ॥ साधसंग किस स्यो नही बैर ॥

साध कै संग न बीगा पैर ॥ साध कै संग नाही को मंदा ॥ साधसंग जाने परमानंदा ॥ साध कै संग नाही हौं ताप ॥ साध कै संग तजै सभ आप ॥ आपे जानै साध बडाई ॥ नानक साध प्रभू बन आई ॥३॥ साध कै संग न कबहू धावै ॥ साध कै संग सदा सुख पावै ॥ साधसंग बसत अगोचर लहै ॥ साधू कै संग अजर सहै ॥ साध कै संग बसै थान ऊचै ॥ साधू कै संग महल पहूचै ॥ साध कै संग द्रिड़ै सभ धरम ॥ साध कै संग केवल पारब्रह्म ॥ साध कै संग पाए नाम निधान ॥ नानक साधू कै कुरबान ॥४॥ साध कै संग सभ कुल उधारै ॥ साधसंग साजन मीत कुटंब निसतारै ॥ साधू कै संग सो धन पावै ॥ जिस धन ते सभ को वरसावै ॥ साधसंग धरम राय करे सेवा ॥ साध कै संग सोभा सुरदेवा ॥ साधू कै संग पाप पलाइन ॥ साधसंग अमृत गुन गाइन ॥ साध कै संग सरब थान गम ॥ नानक साध कै संग सफल जनम ॥५॥ साध कै संग नही कछु घाल ॥ दरसन भेटत होत निहाल ॥ साध कै संग कलूखत हरै ॥ साध कै संग नरक परहरै ॥ साध कै संग ईहा ऊहा सुहेला ॥ साधसंग बिछुरत हर मेला ॥ जो इछै सोई फल पावै ॥ साध कै संग न बिरथा जावै ॥ पारब्रह्म साध रिद बसै ॥ नानक उधरै साध सुन रसै ॥६॥ साध कै संग सुनउ हर नांओ ॥ साधसंग हर के गुन गाओ ॥ साध कै संग न मन ते बिसरै ॥ साधसंग सरपर निसतरै ॥ साध कै संग लगै प्रभ मीठा ॥ साधू कै संग घट घट डीठा ॥ साधसंग भए आज्ञाकारी ॥ साधसंग गत भई

हमारी ॥ साध कै संग मिटे सभ रोग ॥ नानक साध भेटे संजोग ॥७॥  
साध की महिमा बेद न जानहि ॥ जेता सुनहि तेता बखयानहि ॥  
साध की उपमा तिहु गुण ते दूर ॥ साध की उपमा रही भरपूर ॥ साध  
की सोभा का नाही अंत ॥ साध की सोभा सदा बेअंत ॥ साध की  
सोभा ऊच ते ऊची ॥ साध की सोभा मूच ते मूची ॥ साध की सोभा  
साध बन आई ॥ नानक साध प्रभ भेद न भाई ॥८॥७॥

**सलोक ॥ मन साचा मुख साचा सोए ॥ अवर न पेखै एकस  
बिन कोए ॥ नानक इह लछण ब्रह्म ज्ञानी होए ॥१॥**

अष्टपदी ॥ ब्रह्म ज्ञानी सदा निरलेप ॥ जैसे जल महि कमल अलेप  
॥ ब्रह्म ज्ञानी सदा निरदोख ॥ जैसे सूर सरब कौ सोख ॥ ब्रह्म ज्ञानी  
कै द्रिसट समान ॥ जैसे राज रंक कौ लागै तुल पवान ॥ ब्रह्म ज्ञानी  
कै धीरज एक ॥ ज्यों बसुधा कोऊ खोदै कोऊ चंदन लेप ॥ ब्रह्म  
ज्ञानी का इहै गुनाउ ॥ नानक ज्यों पावक का सहज सुभाउ ॥१॥  
ब्रह्म ज्ञानी निरमल ते निरमला ॥ जैसे मैल न लागै जला ॥ ब्रह्म  
ज्ञानी कै मन होए प्रगास ॥ जैसे धर ऊपर आकास ॥ ब्रह्म ज्ञानी कै  
मित्र सत्र समान ॥ ब्रह्म ज्ञानी कै नाही अभिमान ॥ ब्रह्म ज्ञानी ऊच  
ते ऊचा ॥ मन अपनै है सभ ते नीचा ॥ ब्रह्म ज्ञानी से जन भए ॥  
नानक जिन प्रभ आप करेए ॥२॥ ब्रह्म ज्ञानी सगल की रीना ॥

आतम रस ब्रह्म ज्ञानी चीना ॥ ब्रह्म ज्ञानी की सभ ऊपर मया ॥ ब्रह्म  
ज्ञानी ते कछु बुरा न भया ॥ ब्रह्म ज्ञानी सदा समदरसी ॥ ब्रह्म ज्ञानी  
की द्रिसट अमृत बरसी ॥ ब्रह्म ज्ञानी बंधन ते मुकता ॥ ब्रह्म ज्ञानी  
की निरमल जुगता ॥ ब्रह्म ज्ञानी का भोजन ज्ञान ॥ नानक ब्रह्म ज्ञानी  
का ब्रह्म ध्यान ॥३॥ ब्रह्म ज्ञानी एक ऊपर आस ॥ ब्रह्म ज्ञानी का  
नही बिनास ॥ ब्रह्म ज्ञानी कै गरीबी समाहा ॥ ब्रह्म ज्ञानी परौपकार  
उमाहा ॥ ब्रह्म ज्ञानी कै नाही धंधा ॥ ब्रह्म ज्ञानी ले धावत बंधा ॥  
ब्रह्म ज्ञानी कै होए सु भला ॥ ब्रह्म ज्ञानी सुफल फला ॥ ब्रह्म ज्ञानी  
संग सगल उधार ॥ नानक ब्रह्म ज्ञानी जपै सगल संसार ॥४॥ ब्रह्म  
ज्ञानी कै एकै रंग ॥ ब्रह्म ज्ञानी कै बसै प्रभ संग ॥ ब्रह्म ज्ञानी कै नाम  
आधार ॥ ब्रह्म ज्ञानी कै नाम परवार ॥ ब्रह्म ज्ञानी सदा सद जागत  
॥ ब्रह्म ज्ञानी अह्मबुध त्यागत ॥ ब्रह्म ज्ञानी कै मन परमानंद ॥ ब्रह्म  
ज्ञानी कै घर सदा अनंद ॥ ब्रह्म ज्ञानी सुख सहज निवास ॥ नानक  
ब्रह्म ज्ञानी का नही बिनास ॥५॥ ब्रह्म ज्ञानी ब्रह्म का बेता ॥ ब्रह्म  
ज्ञानी एक संग हेता ॥ ब्रह्म ज्ञानी कै होए अचिंत ॥ ब्रह्म ज्ञानी का  
निरमल मंत ॥ ब्रह्म ज्ञानी जिस करै प्रभ आप ॥ ब्रह्म ज्ञानी का बड  
परताप ॥ ब्रह्म ज्ञानी का दरस बडभागी पाइए ॥ ब्रह्म ज्ञानी कौ बल  
बल जाईए ॥ ब्रह्म ज्ञानी कौ खोजहि महेसुर ॥ नानक ब्रह्म ज्ञानी  
आप परमेसुर ॥६॥ ब्रह्म ज्ञानी की कीमत नाहि ॥ ब्रह्म ज्ञानी कै  
सगल मन माहि ॥ ब्रह्म ज्ञानी का कौन जानै भेद ॥ ब्रह्म ज्ञानी कौ

सदा अदेस ॥ ब्रह्म ज्ञानी का कथिया न जाए अधाख्यर ॥ ब्रह्म ज्ञानी  
सरब का ठाकुर ॥ ब्रह्म ज्ञानी की मित कौन बखानै ॥ ब्रह्म ज्ञानी की  
गत ब्रह्म ज्ञानी जानै ॥ ब्रह्म ज्ञानी का अंत न पार ॥ नानक ब्रह्म ज्ञानी  
कौ सदा नमसकार ॥७॥ ब्रह्म ज्ञानी सभ सृष्ट का करता ॥ ब्रह्म ज्ञानी  
सद जीवै नही मरता ॥ ब्रह्म ज्ञानी मुक्त जुगत जीअ का दाता ॥  
ब्रह्म ज्ञानी पूरन पुरख बिधाता ॥ ब्रह्म ज्ञानी अनाथ का नाथ ॥ ब्रह्म  
ज्ञानी का सभ ऊपर हाथ ॥ ब्रह्म ज्ञानी का सगल अकार ॥ ब्रह्म  
ज्ञानी आप निरंकार ॥ ब्रह्म ज्ञानी की सोभा ब्रह्म ज्ञानी बनी ॥ नानक  
ब्रह्म ज्ञानी सरब का धनी ॥८॥८॥

**सलोक ॥ उर धारै जो अंतर नाम ॥ सरब मै पेखै भगवान ॥  
निमख निमख ठाकुर नमसकारै ॥ नानक ओहो अपरस सगल  
निसतारै ॥१॥**

अष्टपदी ॥ मिथ्या नाही रसना परस ॥ मन महि प्रीत निरंजन दरस ॥  
पर त्रिअ रूप न पेखै नेत्र ॥ साध की टहल संतसंग हेत ॥ करन न  
सुनै काहू की निंदा ॥ सभ ते जानै आपस कौ मंदा ॥ गुर प्रसाद  
बिख्या परहरै ॥ मन की बासना मन ते टरै ॥ इंद्री जित पंच दोख ते  
रहत ॥ नानक कोट मधे को ऐसा अपरस ॥१॥ बैसनो सो जिस ऊपर  
सुप्रसंन ॥ बिसन की माया ते होए भिन्न ॥ करम करत होवै निहकरम

॥ तिस बैसनो का निरमल धरम ॥ काहू फल की इच्छा नही बाछै ॥  
केवल भगत कीरतन संग राचै ॥ मन तन अंतर सिमरन गोपाल ॥  
सभ ऊपर होवत किरपाल ॥ आप द्रिड़ै अवरह नाम जपावै ॥ नानक  
ओहो बैसनो परम गत पावै ॥२॥ भगौती भगवंत भगत का रंग ॥  
सगल त्यागै दुष्ट का संग ॥ मन ते बिनसै सगला भरम ॥ कर पूजै  
सगल पारब्रह्म ॥ साधसंग पापा मल खोवै ॥ तिस भगौती की मत  
ऊतम होवै ॥ भगवंत की टहल करै नित नीत ॥ मन तन अरपै बिसन  
परीत ॥ हर के चरन हिरदै बसावै ॥ नानक ऐसा भगौती भगवंत कौ  
पावै ॥३॥ सो पंडित जो मन परबोधै ॥ राम नाम आतम महि सोधै  
॥ राम नाम सार रस पीवै ॥ उस पंडित कै उपदेस जग जीवै ॥ हर  
की कथा हिरदै बसावै ॥ सो पंडित फिर जोन न आवै ॥ बेद पुरान  
सिमृत बूझै मूल ॥ सूखम महि जानै असथूल ॥ चहु वरना कौ दे  
उपदेस ॥ नानक उस पंडित कौ सदा अदेस ॥४॥ बीज मंत्र सरब को  
ज्ञान ॥ चहु वरना महि जपै कोऊ नाम ॥ जो जो जपै तिस की गत  
होए ॥ साधसंग पावै जन कोए ॥ कर किरपा अंतर उर धारै ॥ पस  
प्रेत मुघद पाथर कौ तारै ॥ सरब रोग का औखध नाम ॥ कल्याण  
रूप मंगल गुण गाम ॥ काहू जुगत कितै न पाइए धरम ॥ नानक तिस  
मिलै जिस लिख्या धुर करम ॥५॥ जिस कै मन पारब्रह्म का निवास  
॥ तिस का नाम सत रामदास ॥ आतम राम तिस नदरी आया ॥  
दास दसंतण भाए तिन पाया ॥ सदा निकट निकट हर जान ॥ सो

दास दरगह परवान ॥ अपुने दास कौ आप किरपा करै ॥ तिस दास  
कौ सभ सोझी परै ॥ सगल संग आतम उदास ॥ ऐसी जुगत नानक  
रामदास ॥६॥ प्रभ की आज्ञा आतम हितावै ॥ जीवन मुक्त सोऊ  
कहावै ॥ तैसा हरख तैसा उस सोग ॥ सदा अनंद तह नही बियोग  
॥ तैसा सुवरन तैसी उस माटी ॥ तैसा अमृत तैसी बिख खाटी ॥  
तैसा मान तैसा अभिमान ॥ तैसा रंक तैसा राजान ॥ जो वरताए साई  
जुगत ॥ नानक ओहो पुरख कहीऐ जीवन मुक्त ॥७॥ पारब्रह्म के  
सगले ठाओ ॥ जित जित घर राखै तैसा तिन नांओ ॥ आपे करन  
करावन जोग ॥ प्रभ भावै सोई फुन होग ॥ पसरियो आप होए अनत  
तरंग ॥ लखे न जाहि पारब्रह्म के रंग ॥ जैसी मत देए तैसा परगास  
॥ पारब्रह्म करता अबिनास ॥ सदा सदा सदा दयाल ॥ सिमर सिमर  
नानक भए निहाल ॥८॥९॥

**सलोक ॥ उसतत करहि अनेक जन अंत न पारावार ॥ नानक  
रचना प्रभ रची बहु बिध अनिक प्रकार ॥१॥**

अष्टपदी ॥ कई कोट होए पूजारी ॥ कई कोट आचार ब्योहारी ॥  
कई कोट भए तीरथ वासी ॥ कई कोट बन भ्रमहि उदासी ॥ कई  
कोट बेद के स्रोते ॥ कई कोट तपीसुर होते ॥ कई कोट आतम ध्यान  
धारहि ॥ कई कोट कबि काबि बीचारहि ॥ कई कोट नवतन नाम

ध्यावह ॥ नानक करते का अंत न पावहि ॥१॥ कई कोट भए  
अभिमानी ॥ कई कोट अंध अज्ञानी ॥ कई कोट किरपन कठोर ॥  
कई कोट अभिग आतम निकोर ॥ कई कोट पर दरब कौ हिरहि ॥  
कई कोट पर दूखना करहि ॥ कई कोट माया स्रम माहि ॥ कई कोट  
परदेस भ्रमाहि ॥ जित जित लावहु तित तित लगना ॥ नानक करते  
की जानै करता रचना ॥२॥ कई कोट सिध जती जोगी ॥ कई कोट  
राजे रस भोगी ॥ कई कोट पंखी सरप उपाए ॥ कई कोट पाथर  
बिरख निपजाए ॥ कई कोट पवण पाणी बैसंतर ॥ कई कोट देस भू  
मंडल ॥ कई कोट ससीअर सूर नख्यत्र ॥ कई कोट देव दानव इंद्र  
सिर छत्र ॥ सगल समग्री अपनै सूत धारै ॥ नानक जिस जिस भावै  
तिस तिस निसतारै ॥३॥ कई कोट राजस तामस सातक ॥ कई कोट  
बेद पुरान सिमृत अर सासत ॥ कई कोट कीए रतन समुंद ॥ कई  
कोट नाना प्रकार जंत ॥ कई कोट कीए चिर जीवे ॥ कई कोट गिरी  
मेर सुवरन थीवे ॥ कई कोट जख्य किंनर पिसाच ॥ कई कोट भूत  
प्रेत सूकर म्रिगाच ॥ सभ ते नैरे सभहू ते दूर ॥ नानक आप अलिपत  
रहया भरपूर ॥४॥ कई कोट पाताल के वासी ॥ कई कोट नरक सुरग  
निवासी ॥ कई कोट जनमहि जीवहि मरहि ॥ कई कोट बहु जोनी  
फिरहि ॥ कई कोट बैठत ही खाहि ॥ कई कोट घालहि थकि पाहि  
॥ कई कोट कीए धनवंत ॥ कई कोट माया महि चिंत ॥ जह जह  
भाणा तह तह राखे ॥ नानक सभ किछ प्रभ कै हाथे ॥५॥ कई कोट

भए बैरागी ॥ राम नाम संग तिन लिव लागी ॥ कई कोट प्रभ कौ  
खोजंते ॥ आतम महि पारब्रह्म लहंते ॥ कई कोट दरसन प्रभ  
पिआस ॥ तिन कौ मिलिओ प्रभ अबिनास ॥ कई कोट मागहि  
सतसंग ॥ पारब्रह्म तिन लागा रंग ॥ जिन कौ होए आप सुप्रसंन ॥  
नानक ते जन सदा धन धंन ॥६॥ कई कोट खाणी अर खंड ॥ कई  
कोट अकास ब्रह्मंड ॥ कई कोट होए अवतार ॥ कई जुगत कीनो  
बिसथार ॥ कई बार पसरिओ पासार ॥ सदा सदा इक एकंकार ॥  
कई कोट कीने बहु भात ॥ प्रभ ते होए प्रभ माहि समात ॥ ता का  
अंत न जानै कोए ॥ आपे आप नानक प्रभ सोए ॥७॥ कई कोट  
पारब्रह्म के दास ॥ तिन होवत आतम परगास ॥ कई कोट तत के  
बेते ॥ सदा निहारहि एको नेत्रे ॥ कई कोट नाम रस पीवहि ॥ अमर  
भए सद सद ही जीवहि ॥ कई कोट नाम गुन गावहि ॥ आतम रस  
सुख सहज समावहि ॥ अपुने जन कौ सास सास समारे ॥ नानक  
ओइ परमेशुर के प्यारे ॥८॥१०॥

**सलोक ॥ करण कारण प्रभ एक है दूसर नाही कोए ॥ नानक  
तिस बलिहारणै जल थल महीअल सोए ॥१॥**

अष्टपदी ॥ करन करावन करनै जोग ॥ जो तिस भावै सोई होग ॥  
खिन महि थाप उथापनहारा ॥ अंत नही किछ पारावारा ॥ हुकमे

धार अधर रहावै ॥ हुकमे उपजै हुकम समावै ॥ हुकमे ऊच नीच  
ब्योहार ॥ हुकमे अनिक रंग परकार ॥ कर कर देखै अपनी वडिआई  
॥ नानक सभ महि रहया समाई ॥१॥ प्रभ भावै मानुख गत पावै ॥  
प्रभ भावै ता पाथर तरावै ॥ प्रभ भावै बिन सास ते राखै ॥ प्रभ भावै  
ता हर गुण भाखै ॥ प्रभ भावै ता पतित उधारै ॥ आप करै आपन  
बीचारै ॥ दुहा सिरया का आप सुआमी ॥ खेलै बिगसै अंतरजामी  
॥ जो भावै सो कार करावै ॥ नानक दृष्टि अवर न आवै ॥२॥ कहु  
मानुख ते क्या होए आवै ॥ जो तिस भावै सोई करावै ॥ इस कै हाथ  
होए ता सभ किछ लेए ॥ जो तिस भावै सोई करेए ॥ अनजानत  
बिख्या महि रचै ॥ जे जानत आपन आप बचै ॥ भरमे भूला दह  
दिस धावै ॥ निमख माहि चार कुंट फिर आवै ॥ कर किरपा जिस  
अपनी भगत देए ॥ नानक ते जन नाम मिलेइ ॥३॥ खिन महि नीच  
कीट कौ राज ॥ पारब्रह्म गरीब निवाज ॥ जा का द्रिसट कछु न आवै  
॥ तिस तत्काल दह दिस प्रगटावै ॥ जा कौ अपुनी करै बखसीस ॥  
ता का लेखा न गनै जगदीस ॥ जीओ पिण्ड सभ तिस की रास ॥  
घट घट पूरन ब्रह्म प्रगास ॥ अपनी बणत आप बनाई ॥ नानक जीवै  
देख बडाई ॥४॥ इस का बल नाही इस हाथ ॥ करन करावन सरब  
को नाथ ॥ आज्ञाकारी बपुरा जीओ ॥ जो तिस भावै सोई फुन थीउ  
॥ कबहू ऊच नीच महि बसै ॥ कबहू सोग हरख रंग हसै ॥ कबहू  
निंद चिंद ब्योहार ॥ कबहू ऊभ अकास पयाल ॥ कबहू बेता ब्रह्म

बीचार ॥ नानक आप मिलावणहार ॥५॥ कबहू निरत करै बहु भात  
॥ कबहू सोए रहै दिन रात ॥ कबहू महा क्रोध बिकराल ॥ कबहू  
सरब की होत रवाल ॥ कबहू होए बहै बड राजा ॥ कबहु भेखारी  
नीच का साजा ॥ कबहू अपकीरत महि आवै ॥ कबहू भला भला  
कहावै ॥ ज्यों प्रभ राखै तिव ही रहै ॥ गुर प्रसाद नानक सच कहै  
॥६॥ कबहू होए पंडित करे बख्यान ॥ कबहू मोनिधारी लावै ध्यान  
॥ कबहू तट तीरथ इसनान ॥ कबहू सिध साधिक मुख ज्ञान ॥ कबहू  
कीट हस्त पतंग होए जीआ ॥ अनिक जोन भरमै भरमीआ ॥ नाना  
रूप ज्यों स्वागी दिखावै ॥ ज्यों प्रभ भावै तिवै नचावै ॥ जो तिस  
भावै सोई होए ॥ नानक दूजा अवर न कोए ॥७॥ कबहू साधसंगत  
एहो पावै ॥ उस असथान ते बहुर न आवै ॥ अंतर होए ज्ञान परगास  
॥ उस असथान का नही बिनास ॥ मन तन नाम रते इक रंग ॥ सदा  
बसहि पारब्रह्म कै संग ॥ ज्यों जल महि जल आए खटाना ॥ त्यों  
जोती संग जोत समाना ॥ मिट गए गवन पाए बिस्राम ॥ नानक प्रभ  
कै सद कुरबान ॥८॥११॥

**सलोक ॥ सुखी बसै मसकीनीआ आप निवार तले ॥ बडे  
बडे अहंकारीआ नानक गरबि गले ॥१॥**

अष्टपदी ॥ जिस कै अंतर राज अभिमान ॥ सो नरकपाती होवत  
सुआन ॥ जो जानै मै जोबनवंत ॥ सो होवत बिसटा का जंत ॥  
आपस कौ करमवंत कहावै ॥ जनम मरै बहु जोन भ्रमावै ॥ धन भूम  
का जो करै गुमान ॥ सो मूर्ख अंधा अज्ञान ॥ कर किरपा जिस कै  
हिरदै गरीबी बसावै ॥ नानक ईहा मुक्त आगै सुख पावै ॥१॥  
धनवंता होए कर गरबावै ॥ त्रिण समान कछु संग न जावै ॥ बहु  
लसकर मानुख ऊपर करे आस ॥ पल भीतर ता का होए बिनास ॥  
सभ ते आप जानै बलवंत ॥ खिन महि होए जाए भसमंत ॥ किसै  
न बदै आप अहंकारी ॥ धरम राय तिस करे खुआरी ॥ गुर प्रसाद  
जा का मिटै अभिमान ॥ सो जन नानक दरगह परवान ॥२॥ कोट  
करम करै हौं धारे ॥ स्रम पावै सगले बिरथारे ॥ अनिक तपस्या करे  
अहंकार ॥ नरक सुरग फिर फिर अवतार ॥ अनिक जतन कर आतम  
नही द्रवै ॥ हर दरगह कहु कैसे गवै ॥ आपस कौ जो भला कहावै  
॥ तिसहि भलाई निकट न आवै ॥ सरब की रेन जा का मन होए ॥  
कहु नानक ता की निरमल सोए ॥३॥ जब लग जानै मुझ ते कछु  
होए ॥ तब इस कौ सुख नाही कोए ॥ जब इह जानै मै किछ करता  
॥ तब लग गर्भ जोन महि फिरता ॥ जब धारै कोऊ बैरी मीत ॥ तब  
लग निहचल नाही चीत ॥ जब लग मोह मगन संग माए ॥ तब लग  
धरम राय देए सजाए ॥ प्रभ किरपा ते बंधन तूटै ॥ गुर प्रसाद नानक  
हौं छूटै ॥४॥ सहस खटे लख कौ उठ धावै ॥ त्रिपत न आवै माया

पाछै पावै ॥ अनिक भोग बिख्या के करै ॥ नह त्रिपतावै खप खप  
मरै ॥ बिना संतोख नही कोऊ राजै ॥ सुपन मनोरथ ब्रिथे सभ काजै  
॥ नाम रंग सरब सुख होए ॥ बडभागी किसै परापत होए ॥ करन  
करावन आपे आप ॥ सदा सदा नानक हर जाप ॥५॥ करन करावन  
करनैहार ॥ इस कै हाथ कहा बीचार ॥ जैसी द्रिसट करे तैसा होए ॥  
आपे आप आप प्रभ सोए ॥ जो किछ कीनो सु अपनै रंग ॥ सभ ते  
दूर सभहू कै संग ॥ बूझै देखै करै बिबेक ॥ आपहि एक आपहि  
अनेक ॥ मरै न बिनसै आवै न जाए ॥ नानक सद ही रहया समाए  
॥६॥ आप उपदेसै समझै आप ॥ आपे रचिआ सभ कै साथ ॥ आप  
कीनो आपन बिसथार ॥ सभ कछु उस का ओहो करनैहार ॥ उस  
ते भिन्न कहहु किछ होए ॥ थान थनंतर एकै सोए ॥ अपुने चलित  
आप करणैहार ॥ कौतक करै रंग आपार ॥ मन महि आप मन अपुने  
माहि ॥ नानक कीमत कहन न जाए ॥७॥ सत सत सत प्रभ सुआमी  
॥ गुर परसाद किनै वखयानी ॥ सच सच सच सभ कीना ॥ कोट  
मधे किनै बिरलै चीना ॥ भला भला भला तेरा रूप ॥ अत सुंदर  
अपार अनूप ॥ निरमल निरमल निरमल तेरी बाणी ॥ घट घट सुनी  
स्रवन बख्याणी ॥ पवित्र पवित्र पवित्र पुनीत ॥ नाम जपै नानक मन  
प्रीत ॥८॥१२॥

**सलोक ॥ संत सरन जो जन परै सो जन उधरनहार ॥ संत की  
निंदा नानका बहुर बहुर अवतार ॥१॥**

अष्टपदी ॥ संत कै दूखन आरजा घटै ॥ संत कै दूखन जम ते नही  
छुटै ॥ संत कै दूखन सुख सभ जाए ॥ संत कै दूखन नरक महि पाए  
॥ संत कै दूखन मत होए मलीन ॥ संत कै दूखन सोभा ते हीन ॥  
संत के हते कौ रखै न कोए ॥ संत कै दूखन थान भ्रष्ट होए ॥ संत  
कृपाल कृपा जे करै ॥ नानक संतसंग निंदक भी तरै ॥१॥ संत के  
दूखन ते मुख भवै ॥ संतन कै दूखन काग ज्यों लवै ॥ संतन कै दूखन  
सरप जोन पाए ॥ संत कै दूखन त्रिगद जोन किरमाए ॥ संतन कै  
दूखन त्रिसना महि जलै ॥ संत कै दूखन सभ को छलै ॥ संत कै  
दूखन तेज सभ जाए ॥ संत कै दूखन नीच नीचाइ ॥ संत दोखी का  
थाओ को नाहि ॥ नानक संत भावै ता ओइ भी गत पाहि ॥२॥ संत  
का निंदक महा अतताई ॥ संत का निंदक खिन टिकन न पाए ॥  
संत का निंदक महा हतिआरा ॥ संत का निंदक परमेशुर मारा ॥ संत  
का निंदक राज ते हीन ॥ संत का निंदक दुखीआ अर दीन ॥ संत  
के निंदक कौ सरब रोग ॥ संत के निंदक कौ सदा बिजोग ॥ संत की  
निंदा दोख महि दोख ॥ नानक संत भावै ता उस का भी होए मोख  
॥३॥ संत का दोखी सदा अपवित ॥ संत का दोखी किसै का नही  
मित ॥ संत के दोखी कौ डान लागै ॥ संत के दोखी कौ सभ त्यागै

॥ संत का दोखी महा अहंकारी ॥ संत का दोखी सदा बिकारी ॥  
संत का दोखी जनमै मरै ॥ संत की दूखना सुख ते टरै ॥ संत के  
दोखी कौ नाही ठाओ ॥ नानक संत भावै ता लए मिलाए ॥४॥ संत  
का दोखी अध बीच ते टूटै ॥ संत का दोखी कितै काज न पहुँचै ॥  
संत के दोखी कौ उदिआन भ्रमाईए ॥ संत का दोखी उझड़ पाइए ॥  
संत का दोखी अंतर ते थोथा ॥ ज्यों सास बिना मिरतक की लोथा  
॥ संत के दोखी की जड़ किछ नाहि ॥ आपन बीज आपे ही खाहि  
॥ संत के दोखी कौ अवर न राखनहार ॥ नानक संत भावै ता लए  
उबार ॥५॥ संत का दोखी इउ बिललाइ ॥ ज्यों जल बिहून मछुली  
तड़फड़ाइ ॥ संत का दोखी भूखा नही राजै ॥ ज्यों पावक ईधन नही  
ध्रापै ॥ संत का दोखी छुटै इकेला ॥ ज्यों बूआडु तिल खेत माहि  
दुहेला ॥ संत का दोखी धरम ते रहत ॥ संत का दोखी सद मिथ्या  
कहत ॥ किरत निंदक का धुर ही पया ॥ नानक जो तिस भावै सोई  
थिआ ॥६॥ संत का दोखी बिगड़ रूप होए जाए ॥ संत के दोखी  
कौ दरगह मिलै सजाए ॥ संत का दोखी सदा सहकाईए ॥ संत का  
दोखी न मरै न जीवाईए ॥ संत के दोखी की पुजै न आसा ॥ संत का  
दोखी उठचलै निरासा ॥ संत कै दोख न तिसटै कोए ॥ जैसा भावै  
तैसा कोई होए ॥ पया किरत न मेटै कोए ॥ नानक जानै सचा सोए  
॥७॥ सभ घट तिस के ओहो करनैहार ॥ सदा सदा तिस कौ  
नमसकार ॥ प्रभ की उसतत करहु दिन रात ॥ तिसहि धिआवहु

सास गिरास ॥ सभ कछु वरतै तिस का कीआ ॥ जैसा करे तैसा को  
थीआ ॥ अपना खेल आप करनैहार ॥ दूसर कौन कहै बीचार ॥  
जिस नो कृपा करै तिस आपन नाम देए ॥ बडभागी नानक जन सेए  
॥८॥१३॥

**सलोक ॥ तजहु स्यानप सुर जनहु सिमरहु हर हर राय ॥ एक  
आस हर मन रखहु नानक दूख भरम भौ जाए ॥१॥**

अष्टपदी ॥ मानुख की टैक ब्रिथी सभ जान ॥ देवन कौ एकै भगवान  
॥ जिस कै दीऐ रहै अघाए ॥ बहुर न तिसना लागै आए ॥ मारै राखै  
एको आप ॥ मानुख कै किछ नाही हाथ ॥ तिस का हुकम बूझि  
सुख होए ॥ तिस का नाम रख कंठपरोए ॥ सिमर सिमर सिमर प्रभ  
सोए ॥ नानक बिघन न लागै कोए ॥१॥ उसतत मन महि कर  
निरंकार ॥ कर मन मेरे सत ब्योहार ॥ निरमल रसना अमृत पीओ ॥  
सदा सुहेला कर लेहि जीओ ॥ नैनहु पेख ठाकुर का रंग ॥ साधसंग  
बिनसै सभ संग ॥ चरन चलौ मारग गोबिंद ॥ मिटहि पाप जपीऐ हर  
बिंद ॥ कर हर करम स्रवन हर कथा ॥ हर दरगह नानक ऊजल मथा  
॥२॥ बडभागी ते जन जग माहि ॥ सदा सदा हर के गुन गाहि ॥ राम  
नाम जो करहि बीचार ॥ से धनवंत गनी संसार ॥ मन तन मुख  
बोलहि हर मुखी ॥ सदा सदा जानहु ते सुखी ॥ एको एक एक पछानै

॥ इत उत की ओहो सोझी जानै ॥ नाम संग जिस का मन मानया ॥  
नानक तिनहि निरंजन जानया ॥३॥ गुर प्रसाद आपन आप सुझै ॥  
तिस की जानहु तिसना बुझै ॥ साधसंग हर हर जस कहत ॥ सरब  
रोग ते ओहो हर जन रहत ॥ अनदिन कीरतन केवल बख्यान ॥  
गृहसत महि सोई निरबान ॥ एक ऊपर जिस जन की आसा ॥ तिस  
की कटीए जम की फासा ॥ पारब्रह्म की जिस मन भूख ॥ नानक  
तिसहि न लागहि दूख ॥४॥ जिस कौ हर प्रभ मन चित आवै ॥ सो  
संत सुहेला नही डुलावै ॥ जिस प्रभ अपुना किरपा करै ॥ सो सेवक  
कहु किस ते डरै ॥ जैसा सा तैसा द्रिसटाया ॥ अपुने कारज महि  
आप समाया ॥ सोधत सोधत सोधत सीझिआ ॥ गुर प्रसाद तत  
सभ बूझिआ ॥ जब देखउ तब सभ किछ मूल ॥ नानक सो सूखम  
सोई असथूल ॥५॥ नह किछ जनमै नह किछ मरै ॥ आपन चलित  
आप ही करै ॥ आवन जावन द्रिसट अनद्रिसट ॥ आज्ञाकारी धारी  
सभ सृष्ट ॥ आपे आप सगल महि आप ॥ अनिक जुगत रच थाप  
उथाप ॥ अबिनासी नाही किछ खंड ॥ धारण धार रहयो ब्रह्मंड ॥  
अलख अभेव पुरख परताप ॥ आप जपाए त नानक जाप ॥६॥  
जिन प्रभ जाता सु सोभावंत ॥ सगल संसार उधरै तिन मंत ॥ प्रभ  
के सेवक सगल उधारन ॥ प्रभ के सेवक दूख बिसारन ॥ आपे मेल  
लए किरपाल ॥ गुर का सबद जप भए निहाल ॥ उन की सेवा सोई  
लागै ॥ जिस नो कृपा करहि बडभागै ॥ नाम जपत पावहि बिस्राम

॥ नानक तिन पुरख कौ ऊतम कर मान ॥७॥ जो किछ करै सु प्रभ  
कै रंग ॥ सदा सदा बसै हर संग ॥ सहज सुभाइ होवै सो होए ॥  
करणैहार पछाणै सोए ॥ प्रभ का कीआ जन मीठ लगाना ॥ जैसा  
सा तैसा द्रिसटाना ॥ जिस ते उपजे तिस माहि समाए ॥ ओइ सुख  
निधान उनहू बन आए ॥ आपस कौ आप दीनो मान ॥ नानक प्रभ  
जन एको जान ॥८॥१४॥

**सलोक ॥ सरब कला भरपूर प्रभ बिरथा जाननहार ॥ जा कै  
सिमरन उधरीऐ नानक तिस बलिहार ॥१॥**

अष्टपदी ॥ टूटी गाढनहार गोपाल ॥ सरब जीआ आपे प्रतिपाल ॥  
सगल की चिंता जिस मन माहि ॥ तिस ते बिरथा कोई नाहि ॥ रे  
मन मेरे सदा हर जाप ॥ अबिनासी प्रभ आपे आप ॥ आपन कीआ  
कछुू न होए ॥ जे सउ प्रानी लोचै कोए ॥ तिस बिन नाही तैरे  
किछ काम ॥ गत नानक जप एक हर नाम ॥१॥ रूपवंत होए नाही  
मोहै ॥ प्रभ की जोत सगल घट सोहै ॥ धनवंता होए क्या को गरबै  
॥ जा सभ किछ तिस का दीया दरबै ॥ अत सूरु जे कोऊ कहावै ॥  
प्रभ की कला बिना कह धावै ॥ जे को होए बहै दातार ॥ तिस  
देनहार जानै गावार ॥ जिस गुर प्रसाद तूटै हौं रोग ॥ नानक सो जन  
सदा अरोग ॥२॥ ज्यों मंदर कौ थामै थमन ॥ त्यों गुर का सबद

मनहि असथमन ॥ ज्यों पाखाणु नाव चड़ तै ॥ प्राणी गुर चरण  
लगत निसतरै ॥ ज्यों अंधकार दीपक परगास ॥ गुर दरसन देख मन  
होए बिगास ॥ ज्यों महा उद्यान महि मारग पावै ॥ त्यों साधू संग  
मिल जोत प्रगटावै ॥ तिन संतन की बाछउ धूर ॥ नानक की हर  
लोचा पूर ॥३॥ मन मूरख काहे बिललाईए ॥ पुरब लिखे का  
लिखया पाइए ॥ दूख सूख प्रभ देवनहार ॥ अवर त्याग तू तिसहि  
चितार ॥ जो कछु करै सोई सुख मान ॥ भूला काहे फिरहि अजान  
॥ कौन बसत आई तैरै संग ॥ लपट रहयो रस लोभी पतंग ॥ राम  
नाम जप हिरदे माहि ॥ नानक पत सेती घर जाहि ॥४॥ जिस वखर  
कौ लैन तू आया ॥ राम नाम संतन घर पाया ॥ तज अभिमान लेहु  
मन मोल ॥ राम नाम हिरदे महि तोल ॥ लाद खेप संतह संग चाल  
॥ अवर त्याग बिख्या जंजाल ॥ धंन धंन कहै सभ कोए ॥ मुख  
ऊजल हर दरगह सोए ॥ एहो वापार विरला वापारै ॥ नानक ता कै  
सद बलिहारै ॥५॥ चरन साध के धोए धोए पीओ ॥ अरप साध कौ  
अपना जीओ ॥ साध की धूर करहु इसनान ॥ साध ऊपर जाईए  
कुरबान ॥ साध सेवा वडभागी पाइए ॥ साधसंग हर कीरतन गाईए  
॥ अनिक बिघन ते साधू राखै ॥ हर गुन गाए अमृत रस चाखै ॥  
ओट गही संतह दर आया ॥ सरब सूख नानक तिह पाया ॥६॥  
मिरतक कौ जीवालनहार ॥ भूखे कौ देवत अधार ॥ सरब निधान  
जा की दृष्टि माहि ॥ पुरब लिखे का लहणा पाहि ॥ सभ किछ तिस

का ओहो करनै जोग ॥ तिस बिन दूसर होआ न होग ॥ जप जन सदा सदा दिन रैणी ॥ सभ ते ऊच निरमल इह करणी ॥ कर किरपा जिस कौ नाम दीया ॥ नानक सो जन निरमल थीआ ॥७॥ जा कै मन गुर की परतीत ॥ तिस जन आवै हर प्रभ चीत ॥ भगत भगत सुनीऐ तिहु लोइ ॥ जा कै हिरदै एको होए ॥ सच करणी सच ता की रहत ॥ सच हिरदै सत मुख कहत ॥ साची द्रिसट साचा आकार ॥ सच वरतै साचा पासार ॥ पारब्रह्म जिन सच कर जाता ॥ नानक सो जन सच समाता ॥८॥१५॥

**सलोक ॥ रूप न रेख न रंग किछ त्रिहु गुण ते प्रभ भिन्न ॥  
तिसहि बुझाए नानका जिस होवै सुप्रसंन ॥१॥**

अष्टपदी ॥ अबिनासी प्रभ मन महि राख ॥ मानुख की तू प्रीत त्याग ॥ तिस ते परै नाही किछ कोए ॥ सरब निरंतर एको सोए ॥ आपे बीना आपे दाना ॥ गहिर ग्मभीर गहीर सुजाना ॥ पारब्रह्म परमेसुर गोबिंद ॥ कृपा निधान दयाल बखसंद ॥ साध तैरे की चरनी पाओ ॥ नानक कै मन एहो अनराओ ॥१॥ मनसा पूरन सरना जोग ॥ जो कर पाया सोई होग ॥ हरन भरन जा का नेत्र फोर ॥ तिस का मंत्र न जानै होर ॥ अनद रूप मंगल सद जा कै ॥ सरब थोक सुनीअहि घर ता कै ॥ राज महि राज जोग महि जोगी ॥ तप महि तपीसर गृहसत

महि भोगी ॥ ध्याए ध्याए भगतह सुख पाया ॥ नानक तिस पुरख  
का किनै अंत न पाया ॥२॥ जा की लीला की मित नाहि ॥ सगल  
देव हारे अवगाहि ॥ पिता का जनम कि जानै पूत ॥ सगल परोई  
अपुनै सूत ॥ सुमत ज्ञान ध्यान जिन देए ॥ जन दास नाम ध्यावह  
सेए ॥ तिहु गुण महि जा कौ भरमाए ॥ जनम मरै फिर आवै जाए ॥  
ऊच नीच तिस के असथान ॥ जैसा जनावै तैसा नानक जान ॥३॥  
नाना रूप नाना जा के रंग ॥ नाना भेख करहि इक रंग ॥ नाना बिध  
कीनो बिसथार ॥ प्रभ अबिनासी एकंकार ॥ नाना चलित करे खिन  
माहि ॥ पूर रहयो पूरन सभ ठाइ ॥ नाना बिध कर बनत बनाई ॥  
अपनी कीमत आपे पाए ॥ सभ घट तिस के सभ तिस के ठाओ ॥  
जप जप जीवै नानक हर नांओ ॥४॥ नाम के धारे सगले जंत ॥ नाम  
के धारे खंड ब्रह्मंड ॥ नाम के धारे सिमृत बेद पुरान ॥ नाम के धारे  
सुनन ज्ञान ध्यान ॥ नाम के धारे आगास पाताल ॥ नाम के धारे  
सगल आकार ॥ नाम के धारे पुरीआ सभ भवन ॥ नाम कै संग उधरे  
सुन स्रवन ॥ कर किरपा जिस आपनै नाम लाए ॥ नानक चौथे पद  
महि सो जन गत पाए ॥५॥ रूप सत जा का सत असथान ॥ पुरख  
सत केवल परधान ॥ करतूत सत सत जा की बाणी ॥ सत पुरख  
सभ माहि समाणी ॥ सत करम जा की रचना सत ॥ मूल सत सत  
उतपत ॥ सत करणी निरमल निरमली ॥ जिसहि बुझाए तिसहि सभ  
भली ॥ सत नाम प्रभ का सुखदाई ॥ बिस्वास सत नानक गुर ते पाए

॥६॥ सत बचन साधू उपदेस ॥ सत ते जन जा कै रिदै प्रवेस ॥ सत  
निरत बूझै जे कोए ॥ नाम जपत ता की गत होए ॥ आप सत कीआ  
सभ सत ॥ आपे जानै अपनी मित गत ॥ जिस की सृष्ट सु करणैहार  
॥ अवर न बूझि करत बीचार ॥ करते की मित न जानै कीआ ॥  
नानक जो तिस भावै सो वरतीआ ॥७॥ बिसमन बिसम भए  
बिसमाद ॥ जिन बूझिआ तिस आया स्वाद ॥ प्रभ कै रंग राच जन  
रहे ॥ गुर कै बचन पदारथ लहे ॥ ओइ दाते दुख काटनहार ॥ जा कै  
संग तै संसार ॥ जन का सेवक सो वडभागी ॥ जन कै संग एक  
लिव लागी ॥ गुन गोबिद कीरतन जन गावै ॥ गुर प्रसाद नानक फल  
पावै ॥८॥१६॥

**सलोक ॥ आद सच जुगाद सच ॥ है भ सच नानक होसी भ  
सच ॥१॥**

अष्टपदी ॥ चरन सत सत परसनहार ॥ पूजा सत सत सेवदार ॥  
दरसन सत सत पेखनहार ॥ नाम सत सत ध्यावनहार ॥ आप सत  
सत सभ धारी ॥ आपे गुण आपे गुणकारी ॥ सबद सत सत प्रभ  
बकता ॥ सुरत सत सत जस सुनता ॥ बुझनहार कौ सत सभ होए  
॥ नानक सत सत प्रभ सोए ॥१॥ सत सरूप रिदै जिन मानया ॥  
करन करावन तिन मूल पछानया ॥ जा कै रिदै बिस्वास प्रभ आया

॥ तत ज्ञान तिस मन प्रगटाया ॥ भै ते निरभौ होए बसाना ॥ जिस ते  
उपजिआ तिस माहि समाना ॥ बसत माहि ले बसत गडाई ॥ ता  
कौ भिन्न न कहना जाई ॥ बूझै बूझनहार बिबेक ॥ नाराइन मिले  
नानक एक ॥२॥ ठाकुर का सेवक आज्ञाकारी ॥ ठाकुर का सेवक  
सदा पूजारी ॥ ठाकुर के सेवक कै मन परतीत ॥ ठाकुर के सेवक  
की निरमल रीत ॥ ठाकुर कौ सेवक जानै संग ॥ प्रभ का सेवक नाम  
कै रंग ॥ सेवक कौ प्रभ पालनहारा ॥ सेवक की राखै निरंकारा ॥  
सो सेवक जिस दया प्रभ धारै ॥ नानक सो सेवक सास सास समारै  
॥३॥ अपुने जन का परदा ढाकै ॥ अपने सेवक की सरपर राखै ॥  
अपने दास कौ देए वडाई ॥ अपने सेवक कौ नाम जपाई ॥ अपने  
सेवक की आप पत राखै ॥ ता की गत मित कोए न लाखै ॥ प्रभ  
के सेवक कौ को न पहुँचै ॥ प्रभ के सेवक ऊच ते ऊचे ॥ जो प्रभ  
अपनी सेवा लाया ॥ नानक सो सेवक दह दिस प्रगटाया ॥४॥ नीकी  
कीरी महि कल राखै ॥ भसम करै लसकर कोट लाखै ॥ जिस का  
सास न काढत आप ॥ ता कौ राखत दे कर हाथ ॥ मानस जतन  
करत बहु भात ॥ तिस के करतब बिरथे जात ॥ मारै न राखै अवर  
न कोए ॥ सरब जीआ का राखा सोए ॥ काहे सोच करहि रे प्राणी  
॥ जप नानक प्रभ अलख विडाणी ॥५॥ बारं बार बार प्रभ जपीए  
॥ पी अमृत एहो मन तन ध्रपीए ॥ नाम रतन जिन गुरुमुख पाया ॥  
तिस किछ अवर नाही द्रिसटाया ॥ नाम धन नामो रूप रंग ॥ नामो

सुख हर नाम का संग ॥ नाम रस जो जन त्रिपताने ॥ मन तन नामहि  
नाम समाने ॥ ऊठत बैठत सोवत नाम ॥ कहु नानक जन कै सद  
काम ॥६॥ बोलहु जस जिहबा दिन रात ॥ प्रभ अपने जन कीनी  
दात ॥ करहि भगत आतम कै चाइ ॥ प्रभ अपने स्यो रहहि समाए  
॥ जो होआ होवत सो जानै ॥ प्रभ अपने का हुकम पछानै ॥ तिस  
की महिमा कौन बखानउ ॥ तिस का गुन कहि एक न जानउ ॥ आठ  
पहर प्रभ बसहि हजूरे ॥ कहु नानक सेई जन पूरे ॥७॥ मन मेरे तिन  
की ओट लेहि ॥ मन तन अपना तिन जन देहि ॥ जिन जन अपना  
प्रभू पछाता ॥ सो जन सरब थोक का दाता ॥ तिस की सरन सरब  
सुख पावहि ॥ तिस कै दरस सभ पाप मिटावहि ॥ अवर स्यानप  
सगली छाडु ॥ तिस जन की तू सेवा लाग ॥ आवन जान न होवी  
तेरा ॥ नानक तिस जन के पूजहु सद पैरा ॥८॥१७॥

**सलोक ॥ सत पुरख जिन जानया सतगुर तिस का नांओ ॥**

**तिस कै संग सिख उधरै नानक हर गुन गाओ ॥१॥**

अष्टपदी ॥ सतगुर सिख की करै प्रतिपाल ॥ सेवक कौ गुर सदा  
दयाल ॥ सिख की गुर दुरमत मल हिरै ॥ गुर बचनी हर नाम उचरै  
॥ सतगुर सिख के बंधन काटै ॥ गुर का सिख बिकार ते हाटै ॥  
सतगुर सिख कौ नाम धन देए ॥ गुर का सिख वडभागी हे ॥ सतगुर  
सिख का हलत पलत सवारै ॥ नानक सतगुर सिख कौ जीअ नाल

समारै ॥१॥ गुर कै गृहि सेवक जो रहै ॥ गुर की आज्ञा मन महि सहै  
॥ आपस कौ कर कछु न जनावै ॥ हर हर नाम रिदै सद धिआवै ॥  
मन बेचै सतगुर कै पास ॥ तिस सेवक के कारज रास ॥ सेवा करत  
होए निहकामी ॥ तिस कौ होत परापत सुआमी ॥ अपनी कृपा जिस  
आप करेए ॥ नानक सो सेवक गुर की मत लेए ॥२॥ बीस बिसवे  
गुर का मन मानै ॥ सो सेवक परमेसुर की गत जानै ॥ सो सतगुर  
जिस रिदै हर नांओ ॥ अनिक बार गुर कौ बल जाउ ॥ सरब निधान  
जीअ का दाता ॥ आठ पहर पारब्रह्म रंग राता ॥ ब्रह्म महि जन जन  
महि पारब्रह्म ॥ एकहि आप नही कछु भरम ॥ सहस स्यानप लया  
न जाईए ॥ नानक ऐसा गुर बडभागी पाइए ॥३॥ सफल दरसन पेखत  
पुनीत ॥ परसत चरन गत निरमल रीत ॥ भेटत संग राम गुन रवे ॥  
पारब्रह्म की दरगह गवे ॥ सुन कर बचन करन आघाने ॥ मन संतोख  
आतम पतीआने ॥ पूरा गुर अख्यओ जा का मंत्र ॥ अमृत द्रिसट  
पेखै होए संत ॥ गुण बिअंत कीमत नही पाए ॥ नानक जिस भावै  
तिस लए मिलाए ॥४॥ जिहबा एक उसतत अनेक ॥ सत पुरख पूरन  
बिबेक ॥ काहू बोल न पहुचत प्रानी ॥ अगम अगोचर प्रभ निरबानी  
॥ निराहार निरवैर सुखदाई ॥ ता की कीमत किनै न पाए ॥ अनिक  
भगत बंदन नित करहि ॥ चरन कमल हिरदै सिमरहि ॥ सद  
बलिहारी सतगुर अपने ॥ नानक जिस प्रसाद ऐसा प्रभ जपने ॥५॥  
एहो हर रस पावै जन कोए ॥ अमृत पीवै अमर सो होए ॥ उस पुरख

का नाही कदे बिनास ॥ जा कै मन प्रगटे गुनतास ॥ आठ पहर हर  
का नाम लेए ॥ सच उपदेस सेवक कौ देए ॥ मोह माया कै संग न  
लेप ॥ मन महि राखै हर हर एक ॥ अंधकार दीपक परगासे ॥ नानक  
भरम मोह दुख तह ते नासे ॥६॥ तपत माहि ठाढ वरताई ॥ अनद  
भया दुख नाठे भाई ॥ जनम मरन के मिटे अंदेसे ॥ साधू के पूरन  
उपदेसे ॥ भौ चूका निरभौ होए बसे ॥ सगल ब्याध मन ते खै नसे ॥  
जिस का सा तिन किरपा धारी ॥ साधसंग जप नाम मुरारी ॥ थित  
पाए चूके भ्रम गवन ॥ सुन नानक हर हर जस स्रवन ॥७॥ निरगुन  
आप सरगुन भी ओही ॥ कला धार जिन सगली मोही ॥ अपने  
चरित प्रभ आप बनाए ॥ अपुनी कीमत आपे पाए ॥ हर बिन दूजा  
नाही कोए ॥ सरब निरंतर एको सोए ॥ ओत पोत रविआ रूप रंग  
॥ भए प्रगास साध कै संग ॥ रच रचना अपनी कल धारी ॥ अनिक  
बार नानक बलिहारी ॥८॥१८॥

**सलोक ॥ साथ न चालै बिन भजन बिख्या सगली छार ॥ हर  
हर नाम कमावना नानक एहो धन सार ॥१॥**

अष्टपदी ॥ संत जना मिल करहु बीचार ॥ एक सिमर नाम आधार  
॥ अवर उपाव सभ मीत बिसारहु ॥ चरन कमल रिद महि उर धारहु  
॥ करन कारन सो प्रभ समरथ ॥ द्रिडु कर गहहु नाम हर वथ ॥ एहो  
धन संचहु होवहु भगवंत ॥ संत जना का निरमल मंत ॥ एक आस

राखहु मन माहि ॥ सरब रोग नानक मिट जाहि ॥१॥ जिस धन कौ  
चार कुंट उठधावहि ॥ सो धन हर सेवा ते पावहि ॥ जिस सुख कौ  
नित बाछहि मीत ॥ सो सुख साधू संग परीत ॥ जिस सोभा कौ  
करहि भली करनी ॥ सा सोभा भज हर की सरनी ॥ अनिक उपावी  
रोग न जाए ॥ रोग मिटै हर अवखध लाए ॥ सरब निधान महि हर  
नाम निधान ॥ जप नानक दरगहि परवान ॥२॥ मन परबोधहु हर कै  
नाए ॥ दह दिस धावत आवै ठाड़ ॥ ता कौ बिघन न लागै कोए ॥  
जा कै रिदै बसै हर सोए ॥ कल ताती ठांढा हर नांओ ॥ सिमर सिमर  
सदा सुख पाओ ॥ भौ बिनसै पूरन होए आस ॥ भगत भाए आतम  
परगास ॥ तित घर जाए बसै अबिनासी ॥ कहु नानक काटी जम  
फासी ॥३॥ तत बीचार कहै जन साचा ॥ जनम मरै सो काचो काचा  
॥ आवा गवन मिटै प्रभ सेव ॥ आप त्याग सरन गुरदेव ॥ इउ रतन  
जनम का होए उधार ॥ हर हर सिमर प्रान आधार ॥ अनिक उपाव  
न छूटनहारे ॥ सिमृत सासत बेद बीचारे ॥ हर की भगत करहु मन  
लाए ॥ मन बंछत नानक फल पाए ॥४॥ संग न चालस तरै धना ॥  
तूं क्या लपटावहि मूरख मना ॥ सुत मीत कुटंब अर बनिता ॥ इन  
ते कहहु तुम कवन सनाथा ॥ राज रंग माया बिसथार ॥ इन ते कहहु  
कवन छुटकार ॥ अस हसती रथ असवारी ॥ झूठा ड्मफु झूठु  
पासारी ॥ जिन दीए तिस बुझै न बिगाना ॥ नाम बिसार नानक  
पछुताना ॥५॥ गुर की मत तूं लेहि याने ॥ भगत बिना बहु डूबे सयाने

॥ हर की भगत करहु मन मीत ॥ निरमल होए तुम्हारो चीत ॥ चरन  
कमल राखहु मन माहि ॥ जनम जनम के किलबिख जाहि ॥ आप  
जपहु अवरा नाम जपावहु ॥ सुनत कहत रहत गत पावहु ॥ सार भूत  
सत हर को नांओ ॥ सहज सुभाइ नानक गुन गाओ ॥६॥ गुन गावत  
तेरी उतरस मैल ॥ बिनस जाए हौमै बिख फैल ॥ होहि अचिंत बसै  
सुख नाल ॥ सास ग्रास हर नाम समाल ॥ छाड स्यानप सगली मना  
॥ साधसंग पावहि सच धना ॥ हर पूंजी संच करहु ब्योहार ॥ ईहा  
सुख दरगह जैकार ॥ सरब निरंतर एको देख ॥ कहु नानक जा कै  
मस्तक लेख ॥७॥ एको जप एको सालाहि ॥ एक सिमर एको मन  
आहि ॥ एकस के गुन गाओ अनंत ॥ मन तन जाप एक भगवंत ॥  
एको एक एक हर आप ॥ पूरन पूर रहयो प्रभ ब्याप ॥ अनिक  
बिसथार एक ते भए ॥ एक अराध पराछत गए ॥ मन तन अंतर एक  
प्रभ राता ॥ गुर प्रसाद नानक इक जाता ॥८॥१९॥

**सलोक ॥ फिरत फिरत प्रभ आया परया तौ सरनाए ॥ नानक  
की प्रभ बेनती अपनी भगती लाए ॥१॥**

अष्टपदी ॥ जाचक जन जाचै प्रभ दान ॥ कर किरपा देवहु हर नाम  
॥ साध जना की मागउ धूर ॥ पारब्रह्म मेरी सरधा पूर ॥ सदा सदा  
प्रभ के गुन गावौ ॥ सास सास प्रभ तुमहि ध्यावौ ॥ चरन कमल स्यो

लागै प्रीत ॥ भगत करौ प्रभ की नित नीत ॥ एक ओट एको आधार  
॥ नानक मागै नाम प्रभ सार ॥१॥ प्रभ की द्रिसट महा सुख होए ॥  
हर रस पावै बिरला कोए ॥ जिन चाख्या से जन त्रिपताने ॥ पूरन  
पुरख नही डोलाने ॥ सुभर भरे प्रेम रस रंग ॥ उपजै चाउ साध कै  
संग ॥ परे सरन आन सभ त्याग ॥ अंतर प्रगास अनदिन लिव लाग  
॥ बडभागी जपिआ प्रभ सोए ॥ नानक नाम रते सुख होए ॥२॥  
सेवक की मनसा पूरी भई ॥ सतगुर ते निरमल मत लई ॥ जन कौ  
प्रभ होएओ दयाल ॥ सेवक कीनो सदा निहाल ॥ बंधन काट मुकत  
जन भया ॥ जनम मरन दूख भ्रम गया ॥ इछ पुनी सरधा सभ पूरी ॥  
रवि रहया सद संग हजूरी ॥ जिस का सा तिन लीआ मिलाए ॥  
नानक भगती नाम समाए ॥३॥ सो क्यों बिसरै ज घाल न भानै ॥  
सो क्यों बिसरै ज कीआ जानै ॥ सो क्यों बिसरै जिन सभ किछ  
दीया ॥ सो क्यों बिसरै ज जीवन जीआ ॥ सो क्यों बिसरै ज अगन  
महि राखै ॥ गुर प्रसाद को बिरला लाखै ॥ सो क्यों बिसरै ज बिख  
ते काढै ॥ जनम जनम का टूटा गाढै ॥ गुर पूरै तत इहै बुझाया ॥ प्रभ  
अपना नानक जन ध्याया ॥४॥ साजन संत करहु एहो काम ॥ आन  
त्याग जपहु हर नाम ॥ सिमर सिमर सिमर सुख पावहु ॥ आप जपहु  
अवरह नाम जपावहु ॥ भगत भाए तरीए संसार ॥ बिन भगती तन  
होसी छार ॥ सरब कल्याण सूख निध नाम ॥ बूडत जात पाए  
बिस्राम ॥ सगल दूख का होवत नास ॥ नानक नाम जपहु गुनतास

॥५॥ उपजी प्रीत प्रेम रस चाउ ॥ मन तन अंतर इही सुआओ ॥  
नेत्रहु पेख दरस सुख होए ॥ मन बिगसै साध चरन धोए ॥ भगत  
जना कै मन तन रंग ॥ बिरला कोऊ पावै संग ॥ एक बसत दीजै कर  
मया ॥ गुर प्रसाद नाम जप लया ॥ ता की उपमा कही न जाए ॥  
नानक रहया सरब समाए ॥६॥ प्रभ बखसंद दीन दयाल ॥ भगत  
वछल सदा किरपाल ॥ अनाथ नाथ गोबिंद गुपाल ॥ सरब घटा  
करत प्रतिपाल ॥ आद पुरख कारण करतार ॥ भगत जना के प्रान  
अधार ॥ जो जो जपै सु होए पुनीत ॥ भगत भाए लावै मन हीत ॥  
हम निरगुनीआर नीच अजान ॥ नानक तुमरी सरन पुरख भगवान  
॥७॥ सरब बैकुंठ मुक्त मोख पाए ॥ एक निमख हर के गुन गाए ॥  
अनिक राज भोग बडिआई ॥ हर के नाम की कथा मन भाई ॥ बहु  
भोजन कापर संगीत ॥ रसना जपती हर हर नीत ॥ भली सु करनी  
सोभा धनवंत ॥ हिरदै बसे पूरन गुर मंत ॥ साधसंग प्रभ देहु निवास  
॥ सरब सूख नानक परगास ॥८॥२०॥

**सलोक ॥ सरगुन निरगुन निरंकार सुन्न समाधी आप ॥ आपन  
कीआ नानका आपे ही फिर जाप ॥१॥**

अष्टपदी ॥ जब अकार एहो कछु न द्रिसटेता ॥ पाप पुन्न तब कह  
ते होता ॥ जब धारी आपन सुन्न समाध ॥ तब बैर बिरोध किस संग

कमात ॥ जब इस का बरन चिहन न जापत ॥ तब हरख सोग कहु  
किसहि ब्यापत ॥ जब आपन आप आप पारब्रह्म ॥ तब मोह कहा  
किस होवत भरम ॥ आपन खेल आप वरतीजा ॥ नानक करनैहार  
न दूजा ॥१॥ जब होवत प्रभ केवल धनी ॥ तब बंध मुक्त कहु  
किस कौ गनी ॥ जब एकहि हर अगम अपार ॥ तब नरक सुरग कहु  
कौन अउतार ॥ जब निरगुन प्रभ सहज सुभाइ ॥ तब सिव सकत  
कहहु कित ठाइ ॥ जब आपहि आप अपनी जोत धरै ॥ तब कवन  
निडर कवन कत डरै ॥ आपन चलित आप करनैहार ॥ नानक ठाकुर  
अगम अपार ॥२॥ अबिनासी सुख आपन आसन ॥ तह जनम मरन  
कहु कहा बिनासन ॥ जब पूरन करता प्रभ सोए ॥ तब जम की त्रास  
कहहु किस होए ॥ जब अबिगत अगोचर प्रभ एका ॥ तब चित्र  
गुप्त किस पूछत लेखा ॥ जब नाथ निरंजन अगोचर अगाधे ॥ तब  
कौन छुटे कौन बंधन बाधे ॥ आपन आप आप ही अचरजा ॥  
नानक आपन रूप आप ही उपरजा ॥३॥ जह निरमल पुरख पुरख  
पत होता ॥ तह बिन मैल कहहु क्या धोता ॥ जह निरंजन निरंकार  
निरबान ॥ तह कौन कौ मान कौन अभिमान ॥ जह सरूप केवल  
जगदीस ॥ तह छल छिद्र लगत कहु कीस ॥ जह जोत सरूपी जोत  
संग समावै ॥ तह किसहि भूख कवन त्रिपतावै ॥ करन करावन  
करनैहार ॥ नानक करते का नाहि सुमार ॥४॥ जब अपनी सोभा  
आपन संग बनाई ॥ तब कवन माए बाप मित्र सुत भाई ॥ जह सरब

कला आपहि परबीन ॥ तह बेद कतेब कहा कोऊ चीन ॥ जब  
आपन आप आप उर धारै ॥ तौ सगन अपसगन कहा बीचारै ॥ जह  
आपन ऊच आपन आप नेरा ॥ तह कौन ठाकुर कौन कहीऐ चेरा  
॥ बिसमन बिसम रहे बिसमाद ॥ नानक अपनी गत जानहु आप  
॥५॥ जह अछल अछेद अभेद समाया ॥ ऊहा किसहि ब्यापत  
माया ॥ आपस कौ आपहि आदेस ॥ तिहु गुण का नाही परवेस ॥  
जह एकहि एक एक भगवंता ॥ तह कौन अचिंत किस लागै चिंता  
॥ जह आपन आप आप पतीआरा ॥ तह कौन कथै कौन सुननैहारा  
॥ बहु बेअंत ऊच ते ऊचा ॥ नानक आपस कौ आपहि पहूचा ॥६॥  
जह आप रचिओ परपंच अकार ॥ तिहु गुण महि कीनो बिसथार ॥  
पाप पुन्न तह भई कहावत ॥ कोऊ नरक कोऊ सुरग बंछावत ॥  
आल जाल माया जंजाल ॥ हौमै मोह भरम भै भार ॥ दूख सूख मान  
अपमान ॥ अनिक प्रकार कीओ बख्यान ॥ आपन खेल आप कर  
देखै ॥ खेल संकोचै तौ नानक एकै ॥७॥ जह अबिगत भगत तह  
आप ॥ जह पसरै पासार संत परताप ॥ दुहू पाख का आपहि धनी  
॥ उन की सोभा उनहू बनी ॥ आपहि कौतक करै अनद चोज ॥  
आपहि रस भोगन निरजोग ॥ जिस भावै तिस आपन नाए लावै ॥  
जिस भावै तिस खेल खिलावै ॥ बेसुमार अथाह अगनत अतोलै ॥  
ज्यों बुलावहु त्यों नानक दास बोलै ॥८॥२१॥

**सलोक ॥ जीअ जंत के ठाकुरा आपे वरतणहार ॥ नानक  
एको पसरया दूजा कह द्रिसटार ॥१॥**

अष्टपदी ॥ आप कथै आप सुननैहार ॥ आपहि एक आप बिसथार  
॥ जा तिस भावै ता सृष्ट उपाए ॥ आपनै भाणै लए समाए ॥ तुम ते  
भिन्न नही किछ होए ॥ आपन सूत सभ जगत परोइ ॥ जा कौ प्रभ  
जीओ आप बुझाए ॥ सच नाम सोई जन पाए ॥ सो समदरसी तत  
का बेता ॥ नानक सगल सृष्ट का जेता ॥१॥ जीअ जंत्र सभ ता कै  
हाथ ॥ दीन दयाल अनाथ को नाथ ॥ जिस राखै तिस कोए न मारै  
॥ सो मूआ जिस मनहु बिसारै ॥ तिस तज अवर कहा को जाए ॥  
सभ सिर एक निरंजन राय ॥ जीअ की जुगत जा कै सभ हाथ ॥  
अंतर बाहर जानहु साथ ॥ गुन निधान बेअंत अपार ॥ नानक दास  
सदा बलिहार ॥२॥ पूरन पूर रहे दयाल ॥ सभ ऊपर होवत किरपाल  
॥ अपने करतब जानै आप ॥ अंतरजामी रहयो ब्याप ॥ प्रतिपालै  
जीअन बहु भात ॥ जो जो रचिओ सु तिसहि धिआत ॥ जिस भावै  
तिस लए मिलाए ॥ भगत करहि हर के गुण गाए ॥ मन अंतर  
बिस्वास कर मानया ॥ करनहार नानक इक जानया ॥३॥ जन लागा  
हर एकै नाए ॥ तिस की आस न बिरथी जाए ॥ सेवक कौ सेवा बन  
आई ॥ हुकम बूझि परम पद पाए ॥ इस ते ऊपर नही बीचार ॥ जा  
कै मन बसिआ निरंकार ॥ बंधन तोर भए निरवैर ॥ अनदिन पूजहि

गुर के पैर ॥ इह लोक सुखीए परलोक सुहेले ॥ नानक हर प्रभ  
आपहि मेले ॥४॥ साधसंग मिल करहु अनंद ॥ गुन गावहु प्रभ  
परमानंद ॥ राम नाम तत करहु बीचार ॥ दुर्लभ देह का करहु उधार  
॥ अमृत बचन हर के गुन गाओ ॥ प्रान तरन का इहै सुआओ ॥  
आठ पहर प्रभ पेखहु नेरा ॥ मिटै अज्ञान बिनसै अंधेरा ॥ सुन उपदेस  
हिरदै बसावहु ॥ मन इछे नानक फल पावहु ॥५॥ हलत पलत दुए  
लेहु सवार ॥ राम नाम अंतर उर धार ॥ पूरे गुर की पूरी दीख्या ॥  
जिस मन बसै तिस साच परीख्या ॥ मन तन नाम जपहु लिव लाए  
॥ दूख दरद मन ते भौ जाए ॥ सच वापार करहु वापारी ॥ दरगह  
निबहै खेप तुमारी ॥ एका टेक रखहु मन माहि ॥ नानक बहुर न  
आवहि जाहि ॥६॥ तिस ते दूर कहा को जाए ॥ उबरै राखनहार  
ध्याए ॥ निरभौ जपै सगल भौ मिटै ॥ प्रभ किरपा ते प्राणी छुटै ॥  
जिस प्रभ राखै तिस नाही दूख ॥ नाम जपत मन होवत सूख ॥ चिंता  
जाए मिटै अहंकार ॥ तिस जन कौ कोए न पहुचनहार ॥ सिर ऊपर  
ठाढा गुर सूरा ॥ नानक ता के कारज पूरा ॥७॥ मत पूरी अमृत जा  
की द्रिसट ॥ दरसन पेखत उधरत सृष्ट ॥ चरन कमल जा के अनूप  
॥ सफल दरसन सुंदर हर रूप ॥ धन सेवा सेवक परवान ॥  
अंतरजामी पुरख प्रधान ॥ जिस मन बसै सु होत निहाल ॥ ता कै  
निकट न आवत काल ॥ अमर भए अमरा पद पाया ॥ साधसंग  
नानक हर ध्याया ॥८॥२२॥

**सलोक ॥ ज्ञान अंजन गुर दीया अज्ञान अंधेर बिनास ॥ हर  
किरपा ते संत भेटया नानक मन परगास ॥१॥**

अष्टपदी ॥ संतसंग अंतर प्रभ डीठा ॥ नाम प्रभू का लागा मीठा ॥  
सगल समिग्री एकस घट माहि ॥ अनिक रंग नाना द्रिसटाहि ॥ नौ  
निध अमृत प्रभ का नाम ॥ देही महि इस का बिस्राम ॥ सुन्न समाध  
अनहत तह नाद ॥ कहन न जाई अचरज बिसमाद ॥ तिन देख्या  
जिस आप दिखाए ॥ नानक तिस जन सोझी पाए ॥१॥ सो अंतर  
सो बाहर अनंत ॥ घट घट ब्याप रहया भगवंत ॥ धरन माहि  
आकास पयाल ॥ सरब लोक पूरन प्रतिपाल ॥ बन तिन परबत है  
पारब्रह्म ॥ जैसी आज्ञा तैसा करम ॥ पौण पाणी बैसंतर माहि ॥ चार  
कुंट दह दिसे समाहि ॥ तिस ते भिन्न नही को ठाओ ॥ गुर प्रसाद  
नानक सुख पाओ ॥२॥ बेद पुरान सिमृत महि देख ॥ ससीअर सूर  
नख्यत्र महि एक ॥ बाणी प्रभ की सभ को बोलै ॥ आप अडोल न  
कबहू डोलै ॥ सरब कला कर खेलै खेल ॥ मोल न पाइए गुणह  
अमोल ॥ सरब जोत महि जा की जोत ॥ धार रहयो सुआमी ओत  
पोत ॥ गुर परसाद भरम का नास ॥ नानक तिन महि एहु बिसास  
॥३॥ संत जना का पेखन सभ ब्रह्म ॥ संत जना कै हिरदै सभ धरम  
॥ संत जना सुनहि सुभ बचन ॥ सरब ब्यापी राम संग रचन ॥ जिन  
जाता तिस की इह रहत ॥ सत बचन साधू सभ कहत ॥ जो जो होए

सोई सुख मानै ॥ करन करावनहार प्रभ जानै ॥ अंतर बसे बाहर भी ओही ॥ नानक दरसन देख सभ मोही ॥४॥ आप सत कीआ सभ सत ॥ तिस प्रभ ते सगली उतपत ॥ तिस भावै ता करे बिसथार ॥ तिस भावै ता एकंकार ॥ अनिक कला लखी नह जाए ॥ जिस भावै तिस लए मिलाए ॥ कवन निकट कवन कहीऐ दूर ॥ आपे आप आप भरपूर ॥ अंतरगत जिस आप जनाए ॥ नानक तिस जन आप बुझाए ॥५॥ सरब भूत आप वरतारा ॥ सरब नैन आप पेखनहारा ॥ सगल समग्री जा का तना ॥ आपन जस आप ही सुना ॥ आवन जान इक खेल बनाया ॥ आज्ञाकारी कीनी माया ॥ सभ कै मध अलिप्तो रहै ॥ जो किछ कहणा सु आपे कहै ॥ आज्ञा आवै आज्ञा जाए ॥ नानक जा भावै ता लए समाए ॥६॥ इस ते होए सु नाही बुरा ॥ औरै कहहु किनै कछु करा ॥ आप भला करतूत अत नीकी ॥ आपे जानै अपने जी की ॥ आप साच धारी सभ साच ॥ ओत पोत आपन संग राच ॥ ता की गत मित कही न जाए ॥ दूसर होए त सोझी पाए ॥ तिस का कीआ सभ परवान ॥ गुर प्रसाद नानक एहो जान ॥७॥ जो जानै तिस सदा सुख होए ॥ आप मिलाए लए प्रभ सोए ॥ ओहो धनवंत कुलवंत पतिवंत ॥ जीवन मुक्त जिस रिदै भगवंत ॥ धंन धंन धंन जन आया ॥ जिस प्रसाद सभ जगत तराया ॥ जन आवन का इहै सुआओ ॥ जन कै संग चित आवै नांओ ॥

आप मुक्त मुक्त करै संसार ॥ नानक तिस जन कौ सदा नमसकार  
॥८॥२३॥

**सलोक ॥ पूरा प्रभ आराधिआ पूरा जा का नांओ ॥ नानक  
पूरा पाया पूरे के गुन गाओ ॥१॥**

अष्टपदी ॥ पूरे गुर का सुन उपदेस ॥ पारब्रह्म निकट कर पेख ॥ सास  
सास सिमरहु गोबिंद ॥ मन अंतर की उतरै चिंद ॥ आस अनित  
त्यागहु तरंग ॥ संत जना की धूर मन मंग ॥ आप छोड बेनती करहु  
॥ साधसंग अगन सागर तरहु ॥ हर धन के भर लेहु भंडार ॥ नानक  
गुर पूरे नमसकार ॥१॥ खेम कुसल सहज आनंद ॥ साधसंग भज  
परमानंद ॥ नरक निवार उधारहु जीओ ॥ गुन गोबिंद अमृत रस  
पीओ ॥ चित चितवहु नाराइण एक ॥ एक रूप जा के रंग अनेक ॥  
गोपाल दामोदर दीन दयाल ॥ दुख भंजन पूरन किरपाल ॥ सिमर  
सिमर नाम बारं बार ॥ नानक जीअ का इहै अधार ॥२॥ उतम  
सलोक साध के बचन ॥ अमुलीक लाल एहि रतन ॥ सुनत कमावत  
होत उधार ॥ आप तै लोकह निसतार ॥ सफल जीवन सफल ता  
का संग ॥ जा कै मन लागा हर रंग ॥ जै जै सबद अनाहद वाजै ॥  
सुन सुन अनद करे प्रभ गाजै ॥ प्रगटे गुपाल महांत कै माथे ॥ नानक  
उधरे तिन कै साथे ॥३॥ सरन जोग सुन सरनी आए ॥ कर किरपा

प्रभ आप मिलाए ॥ मिट गए बैर भए सभ रेन ॥ अमृत नाम साधसंग  
लैन ॥ सुप्रसन्न भए गुरदेव ॥ पूरन होई सेवक की सेव ॥ आल  
जंजाल बिकार ते रहते ॥ राम नाम सुन रसना कहते ॥ कर प्रसाद  
दया प्रभ धारी ॥ नानक निबही खेप हमारी ॥४॥ प्रभ की उसतत  
करहु संत मीत ॥ सावधान एकागर चीत ॥ सुखमनी सहज गोबिंद  
गुन नाम ॥ जिस मन बसै सु होत निधान ॥ सरब इछा ता की पूरन  
होए ॥ प्रधान पुरख प्रगट सभ लोइ ॥ सभ ते ऊच पाए असथान ॥  
बहुर न होवै आवन जान ॥ हर धन खाट चलै जन सोए ॥ नानक  
जिसहि परापत होए ॥५॥ खेम सांत रिध नव निध ॥ बुध ज्ञान सरब  
तह सिध ॥ बिद्या तप जोग प्रभ ध्यान ॥

ज्ञान सरेस्ट (श्रेष्ठ) ऊतम इसनान ॥ चार पदारथ कमल प्रगास ॥ सभ  
कै मध सगल ते उदास ॥ सुंदर चतुर तत का बेता ॥ समदरसी एक  
द्रिसटेता ॥ इह फल तिस जन कै मुख भने ॥ गुर नानक नाम बचन  
मन सुने ॥६॥ एहो निधान जपै मन कोए ॥ सभ जुग महि ता की गत  
होए ॥ गुण गोबिंद नाम धुन बाणी ॥ सिमृत सासत्र बेद बखाणी ॥  
सगल मतांत केवल हर नाम ॥ गोबिंद भगत कै मन बिस्राम ॥ कोट  
अप्राध साधसंग मिटै ॥ संत कृपा ते जम ते छुटै ॥ जा कै मस्तक  
करम प्रभ पाए ॥ साध सरणि नानक ते आए ॥७॥ जिस मन बसै  
सुनै लाए प्रीत ॥ तिस जन आवै हर प्रभ चीत ॥ जनम मरन ता का

दूख निवारै ॥ दुलभ देह तत्काल उधारै ॥ निरमल सोभा अमृत ता  
की बानी ॥ एक नाम मन माहि समानी ॥ दूख रोग बिनसे भै भरम  
॥ साध नाम निरमल ता के करम ॥ सभ ते ऊच ता की सोभा बनी  
॥ नानक इह गुण नाम सुखमनी ॥८॥२४॥